

昂  
教  
授  
著

易

傳

箋

之江中國文學會集刊單行本

# 京氏易傳箋

徐 昂

## 自序

昂在杭州秦望山中。既纂周易虞氏學。釋鄭氏爻辰補周易對象通釋諸書。將欲上闢京氏而亂離之際。苦不得其書。去年冬至。滬上見寓廬中有京氏易傳。大憲而掣索之。陸氏所注。未能盡詳。其詳者亦匪易明瞭。烏乎人心之不苟若。蓋明乎消長得失之機者。鮮矣。昂好治漢易。敢以衰邁譾陋而自悶其知乎。乃展卷握管。於卦體象數消息飛伏世應建候積算星宿氣候。變動周流之道。皆一一爲之箋釋。傳中所引經文。拙著前書有已釋及者。不復贅也。京氏之學。源於孟喜。虞氏亦然。而易文頗有小異者。如姤卦大象傳。孟氏易云。后以施令誥四方。京氏易云。君子以號令告四方。虞氏易云。后以施命誥四方。同一句也。后或作君子。施或作號令。或作命。誥或作告。餘如小畜卦。京氏輿說。輿氏輿作車。家人卦。京氏父子嘻嘻。虞氏父作婦。虞異於京者不一而足。其消息節候。亦有與京氏不符者。鄭氏爻辰坤卦六爻所配地官次第。別於京傳。而列宿則通天地之道。布四時。連二十四節。分七十二候。降五星。列二十八宿。其運行變化。莫不基於五行干支。由無而之有。則四方星宿在天成象。水火木金土在地成形。皆昭昭然有迹可尋也。自有而之無。則時節氣候干支親屬。皆陰陽兩氣之蘊於無形者也。繇有無對象推究事物之情狀。吉凶悔吝。自可會於意象之外。天下之動貞夫一。京氏於豐卦云。不可執一爲定象。損卦云。不可執一以爲規。蓋一者其體。不執一者其用。由一生二。變動發揮。推之億萬。極之無量。反而求之。仍歸一本。窮理盡性。以至於命。道其在斯乎。京氏之書。自漢晉隋唐以來。藝文經籍等志所載。題名各別。卷帙亦殊。代有亡失。存者無幾。當宋之世。文字顛倒舛訛。已有不可訓者。晁氏景迂謂以其象數辨正文字之舛。謬於邊郡山房寂寞之中。今讀其書。錯亂譌誤。猶層見而疊出。拙箋訂正外。復就原傳卷葉行數爲校勘表。附列於後。昂所不能攷知者。闕之以待來哲。有如晁氏所云也。中華民國二十八年六月徐昂記於滬濱北豐別墅寓廬。

京氏易傳箋目次

卷一

乾宮本卦 姤卦 遯卦 否卦 觀卦 剝卦 晉卦 大有卦 震宮本卦 豫卦 解卦 恆卦 升卦 井卦 大過卦  
隨卦 坎宮本卦 節卦 屯卦 既濟卦 革卦 豐卦 明夷卦 師卦 艮宮本卦 賁卦 大畜卦 損卦 睽卦  
履卦 中孚卦 漸卦

卷二

坤宮本卦 復卦 臨卦 泰卦 大壯卦 夬卦 需卦 比卦 巽宮本卦 小畜卦 家人卦 益卦 无妄卦 噬嗑卦  
頤卦 蠱卦 離宮本卦 旅卦 鼎卦 未濟卦 蒙卦 渙卦 訟卦 同人卦 兌宮本卦 困卦 萃卦 咸卦 蹇卦  
謙卦 小過卦 歸妹卦

卷三

京氏學歸納引言 八宮世魂 八宮世魂表 五行 八宮六十四卦五行統計表 五行相同分證 干支 親屬 飛伏  
京傳陸注飛伏異同表 八宮飛伏三卦表有說 八宮游歸兩魂飛伏表有說 世身 建候積算 納辰建候干支生剋相比  
納辰建候干支相同 八宮六十四卦納爻建候干支對照表 八宮六十四卦建候積算表 星宿 八宮六十四卦五星值位  
表 八宮六十四卦二十八宿值位表 氣候分數 八宮六十四卦節候數目表 卦主 互卦 附卦氣貞辰 卦氣貞辰表  
卦氣貞辰與納辰或建候相同之統計 京氏易傳校勘表

# 京氏易傳箋 卷一

三三乾上乾純陽用事象配天屬金與坤為飛伏居世陸績注壬戌土癸酉金

昂按乾坤飛伏陰陽交互乾宮九五為卦主而世在上爻宗廟故云居世注中壬戌土指乾卦上九爻癸酉金指坤卦上六爻乾流坤形金土相生乾金上九戌土伏有坤土上六酉金也

易云用九見羣龍无首吉純陽用九之德九三三為應肖乾乾夕惕之憂甲子配外內二象乾為天地之首分甲壬入乾位

昂按九三當三公之位世位上九失正應在九三爻兩土相比而戌辰相衝九三重剛故曰乾乾二四失位變之正則九三互坎當陽惕憂即坎象乾卦於天干首列甲位八卦納甲至巽辛而極循環至乾故乾又配壬分內外二象內卦配甲外卦配壬坤卦亦分內外二象八卦中乾坤獨尊故內象外象所配之天干皆有別

積算起己巳火至戊辰上周而復始吉凶之兆積年起月積日

昂按乾陽胎於大雪及冬至一陽生乾初來復起於十一月子盡於四月巳積算之法從其所建結末之干支計起如乾建甲子至己巳積算即從己巳計起是也積算從己巳四月節立夏至戊辰三月中穀雨六虛周甲戊巳皆土與乾金相生辰土從巳火生由乾而至夫循環不息乾居西北戌亥與東南辰巳相對坎戊離己乾出入坎離故天干起己迄戊乾陽盡於己窮於剝上而反三歸魂從謙始乾三納辰故地支起巳而至辰也注文於積年起月後略積月起日一語

五星從位起鎮星土星入四方居西北居壬戌為伏位參宿從位起壬戌壬戌在世居宗廟

昂按乾宮為金上九世爻配戌土五星起鎮星為土星參宿列申位尾西方金宿之末土生金也注言伏位者壬戌位中伏癸酉也土星金宿與飛伏土金同行參為白虎主兵戎萃卦大象傳除戎器戒不虞之象即上值參伐星宿也拙著釋鄭氏爻辰補詳此說乾之戰坤亦兆此象

建子起潛龍十一月冬至一陽生建巳至極主亢位四月龍見於辰陽陰來吉去凶生用九吉

昂按十一月冬至值子水。乾辟卦。一陽來坤初為復。陽潛於下。始於子而盡於巳。起世位上九爻。建甲子。與初爻干支相同。甲子值十一月節大雪。巳已值四月中小滿。由甲子歷乙丑丙寅丁卯戊辰以迄巳巳。凡六辰十二節。九極則衰。五月姤陰至矣。原文略分氣候三十六一語。積算已入上爻壬戌。以定吉凶。巳土剋壬水。巳火生戌土也。

配於人事為首。乾為首也。為君父。乾象堅剛天地之尊故為君父。於類為馬。為龍。天行運轉不息。降五行。頒六位。十二辰分六位升降以時消息吉凶。

昂按乾卦初爻納子。二爻納寅。三爻納辰。四爻納午。五爻納申。上爻納戌。乾陽卦。於十二辰中納陽辰六。分布六爻。子配水。寅配木。辰戌皆配土。午配火。申配金。六辰所隸五行有定序。升降消息。則發揮旁通之象也。

居西北之分野。陰陽相戰之地。易云。戰於乾。乾為陽西北陰陽入陰二氣盛必戰。天六位。地六氣。六象六包。四象分萬物。陰陽無差。升降有等。陰陽二十四候律呂

矣調

昂按乾於文王八卦居戌亥之位。乾金生於戌土而生亥水。陰陽相戰。生中有剋。戌亥位西北方。坤陰極於亥。陽胎陰中復陽將生。故坤上有戰象。方位空虛。其初氣未著也。有氣而後有形。有形而後有質。四六之數。皆由兩而生。兩儀生四象。兼三才而兩之。故六。大傳可徵也。陰陽二十四候配十二律呂。律呂之數各六。乾卦初九黃鐘。九二太簇。九三姑洗。九四蕤賓。九五夷則。上九無射。坤卦配六呂。與乾律循環相生。

人事吉凶見乎其象。造化分乎有無。故云變動不居周流六虛。六位純陽。陰象在中。陽中陰。陽為君。陰為臣。陽為民。陰為事。陽實陰虛。明暗之象。陰陽可知。三五為陽二四為陰初上潛亢。

昂按乾卦陽實而光明。坤卦陰虛而幽暗。乾陽入坤成坎。坎之幽暗在陽實。坤陰入乾成離。離之光明在陰虛。陰陽之為明為暗。變化可知。幽明詳拙著周易對象通釋。

水配位為福德。甲子水是乾之干孫。木入金鄉居寶貝。甲寅木是乾之財。土臨內象為父母。甲辰土是乾之父母。火來四上嫌相敵。壬午火是乾之官鬼。金入金鄉木漸微。壬申金同位傷木。宗廟上建戌亥乾本位。戌亥乾之位。陽極陰生。姤卦。八卦例諸。

昂按乾於五行屬金象。金生水。故初爻子水為子孫。金剋木。被剋者必有所畜。故次爻寅木為財祿。金生於土。故三爻辰土為金。

所從生之父母。金爲火所剋。主剋者有官鬼之象。官主裁制。鬼主陰私。故四爻午火爲官鬼。至於同爲官鬼。陽爻主官。陰爻主鬼。視變化而定。乾爲金。第五爻壬申又屬金。故注云同位。傷木涉及九二寅木。二五陽與陽不相應。故五傷。寅木變已火。則二又剋五矣。本宮所屬五行與卦爻同位相比。有兄弟之象。上爻壬戌仍屬土。與第三爻同父母之象。注文皆從略。納戌而兼及坤者。乾位戌亥。上爻適當戌土。故連文及亥也。決夫成乾。坤陰不滅。來初爲姤。

三三巽下乾上。姤陰爻用事。金木互體。天下風行曰姤。姤遇也。易曰。陰遇陽。猶盛陰未與敵。與巽爲飛伏。元士居世。辛丑土。甲子水。

昂按巽木乾金。故云金木互體。辛壬配內外象。初爻辛丑爲父母。上爻壬戌亦然。次爻辛亥爲福德。即子三爻辛酉五爻壬申皆爲兄弟。四爻壬午爲官鬼。三五兩爻重金。與外卦乾金合。五行缺木。建候亦然。而內卦有巽木也。以乾宮論。財祿伏於次爻。以內卦巽論。財祿伏於初爻。與巽爲飛伏。巽陰本伏在乾初。乾初未動時。乾飛巽伏。及其既動。則巽飛而乾又伏矣。注文辛丑土。謂姤初爻。甲子水。謂乾初爻。世位水土相伏也。姤屬乾宮第一世。初爻爲元士。故云元士居世。坤陰決於夫而來乾初。此循環自然之道。初相遇由於自然。陰雖未與陽敵。而土剋制水。相敵之機已動。爲遯爲否而至於剋。兆於此矣。

尊就卑。子孫與父母相代位。

昂按姤隸乾宮。乾初爻甲子爲福德子孫。姤初爻辛丑爲父母。坤陰來乾初成巽爲姤。是父母居子孫之位。以尊就卑也。定吉凶。只取一爻之象。多以少爲貴。

昂按姤卦之主在初爻。易大傳云。陰卦多陽。以爻之奇偶言。奇畫之象爲少。偶畫之象爲多。注謂多以少爲貴者。就爻之箇數言耳。姤卦初爻陰柔爲貴。自次爻至上爻皆陽爻。多不如少之足貴也。

九四諸侯。堅剛在上。陰氣處下。易云。繫于金柅。巽積陰入陽。辛壬降內外象。

昂按九四位當諸侯。例與初六世爻元士相應。丑土應午火雖相生。而陰陽皆失正。內卦下巽納辛。外卦上爻納壬。見前建庚午至乙亥。芒種小雪。

昂按姤爲五月辟卦當午。距乾宮甲子後六辰。起世地初六爻建庚午。值五月節芒種。乙亥值十月中小雪。由庚午而辛未土申

癸酉甲戌至於乙亥。以六爻變化之數當之。蓋由姤而遞否觀剝以迄坤也。壬申與九五爻干支相同。

積算起乙亥。至丙戌土周而復始。災福之兆生乎五行升降也。

昂按丙戌之內當作甲。姤由坤陰來乾。乾納甲。坤納乙。故積算天干起乙迄甲。甲乙皆木。起算乙乾。距乾宮起算己巳。亦後六辰。姤內卦巽值東南方辰巳之位。與外卦乾西北方戌亥之位相對。故地支起亥迄戌土。與飛伏土水同行。建時至乙亥止。積算即從乙亥起。至甲戌一周。即回轉建月所歷之九月甲戌也。土剋水。為陰消陽之象。起十月至九月。由坤而循環至剝。終而復始。注文所謂災福之兆生乎五行升降者。福之兆在生。災之兆在剋。視五行之變化而定。

五星從位起太白。太白在西居金位。井宿從位入辛丑。辛丑入土元土臨母也。

昂按注文元土之士當作士。母上脫父字。姤以乾為本宮。乾金象。五行起太白為金星。位於西方而入金宮。姤列乾宮世數之首。井宿度數從西南方起申迄未。而冠南方朱鳥午火七宿之首。與九四午火相協。世位丑土生於火而生金也。

建午起坤宮初六爻。易云。履霜堅冰至。建亥。龍戰于野。戊亥是乾之位。乾伏本位必戰。積陰之地。猶盛故戰。

昂按坤初爻至上爻納未迄酉。此云建午起坤宮初六爻。又以建坤當上六爻者。以姤辟卦值五月午。越六數。故建亥也。西北方亥為乾位。坤陰始於午而終於亥。故來乾初而成姤。

配與人事為腹。為母。坤順容於物。於類為馬。易云。行地無疆。此釋一爻配坤象本體是乾巽今贊一爻起陰假坤象言之。內巽為風。乾為天。天下有風行。君子以號令告四。巽人也。風入於坤皆動也。故知天下有風動其物也。天風氣象三十六候。三十六候節氣降大風象。

昂按配與之與字當作於。注文複贊字。姤井宿入辛丑。井主水衡。法令所取平也。王者用法平則井星明。見晉書天文志。姤卦號令告四方之象。亦有關於值宿。姤為陰虛之卦。而建始庚午陽剛。歷六長十二節氣。其數實。故氣候三十有六。積算乙亥入初六世位辛丑起數。辛金剋乙木。丑土剋亥水也。

木入金為始。金納木也。陰不能制於陽。附於金梃。易之柔道牽也。五行升降。以時消息。陰盪陽。降入遞。天山遁卦。

昂按巽木入乾金為梃象。前文云。九四諸侯。堅剛在上。陰氣處下。易云。繫于金梃。巽積陰入陽。京氏蓋以世在初而應在四。梃象。

在四。初爻巽木牽繫之也。姤陰消乾陽至二爻成遯。

三三艮下遯。陰爻用事。陰盪陽遯。金土見象。山在天下爲遯也。遯退

陰來陽退也。小人君子汚隆契斯義也。易云。遯世無悶。與民爲飛。

伏。大夫居世。建辛未爲月。丙午火

丙寅木

昂按民字當作艮。注文丙寅之丙字當作甲。艮土象。乾金象。陰雖消陽。而土實生金。丙壬配內外象。初爻丙辰上爻壬戌皆爲父母。次爻丙午四爻壬午皆爲官鬼。三爻丙申五爻壬申皆爲兄弟。初上兩爻重土與內底艮土合。三五兩爻申金與外卦乾金合。六爻中五行缺水與木。而建候中有亥子兩水。世位伏有寅木也。乾宮初爻甲子福德。次爻甲寅財祿。潛伏於遯卦下艮之兩陰爻中。故與艮爲飛伏。注文丙午火。指遯卦內艮六二爻。甲寅木。指乾卦九二爻。世在次爻故也。遯卦居乾宮二世。次爻當大夫之位。遯值六月未。故建辛未爲月。建辛未至丙子詳下文。

六二得應。與君位遇建焉。臣事君。全身遠害。遯侯建辛未至丙子。陰陽遯去。終而伏位。從六月至十一月也

昂按世在六二。應在九五。丙午應壬申。火雖剋金。而陰陽皆得正。九五君位。遯陰消陽。由否至四成觀。觀第四爻值辛未。消至五成剝。剝第五爻值丙子。遯建辛未至丙子。故應與君位遇建焉。姤一世建始庚午。遯二世爲六月辟卦。建始後一辰辛未。起世位六二爻。由辛未六月中大暑而壬申癸酉甲戌乙亥。至於丙子十一月節大雪。月交辛未。陽遯至二。循環至辛丑。陰又遯至二。遯則伏矣。壬申與九五爻干支相同。

積算起丙子至乙亥。周而復始。火土同宮

天與山遯

昂按注文火土之火當作金。坤陰盪陽。消至二。內卦成艮爲遯。消至五。外卦成艮爲剝。剝內坤納乙。外艮納丙。第五爻值子水上爻再消成坤。則第五爻轉爲亥水。姤一世積算自乙亥起。遯二世積算即迴至乙亥。起丙子十一月至乙亥十月。由復而循環至坤。終始無已。

陽消陰長。無專於敗。繫云。能消息者。必專者敗。五星從位起太陰。鬼宿入位降丙辰。丙午臨

元土

昂按丙辰之辰字當作午。注文元土之士當作士。八卦消息。首重乾坤。乾決夫陰。坤盪剝陽。皆專也。專者必敗。夫決上陰而來初



成姤則陽敗。剝盡上陽而反初成復。則陰敗。遯陰雖長。敗之機也。積算起丙子至乙亥。亥子皆水。太陰北方水星入金宮。鬼宿列坤方西南未位。即遯卦所值六月之位。與東北艮方相對。為南方火宿之一。降入丙午。干支皆火。太陰水星剋制。陰之盪陽。兆於是矣。丙午當遯卦第二爻世位。臨大夫而乘初爻元士之上。

配於人事為背。為手。背手。良為。於類為狗。為山石。內外升降。陰陽分數二十八候。分陰陽進退。

昂按遯為陰虛之卦。建始辛未陰柔。經六辰十節。其數虛。故候二十有八。積算丙子入六二世位。丙午以定吉凶。子水剋午火。子午雖對衝。而坎水離火又互相胚胎也。子水胎於午。午火胎於子。

土入金為緩。積陽為天。積陰為地。山所地高峻。逼通於天。是陰長陽消。降入否。陰逼陽去入。天地否卦。

爻按山字下所字似衍文。艮土入乾金。土能生金。反生為剋。以陰盪陽。陽盛則堅剛。陰盛則弛緩。遯消至三成否。艮山變為坤地。與外卦乾天相逼。

三三。坤下。乾上。名內象陰長。陰事。天氣上騰。地氣下降。二家分離。萬物不交也。小人道長。君子道消。陰小人。陽君子。易云。否之匪人。與坤為飛伏。

三公居世。乙卯木。甲辰土。

昂按注文陰字當置純字下。否以內卦坤陰為主。故純陰用事。專指內卦。金土互象。與遯卦同。惟遯體艮土。否體坤土耳。坤土與乾金相生。乙壬配二象。內乙而外壬。初爻乙未上爻壬戌皆父母。次爻乙巳四爻壬午皆官鬼。三爻乙卯財祿。五爻壬申兄弟。初上兩爻重土與內卦坤土合。五爻申金與外卦乾金合。乾宮初爻申子福德。伏內卦坤初乙未之中。故與坤為飛伏。注文乙卯木指否卦六三爻。甲辰土指乾卦九三爻。木中伏土。當世位。六爻中五行缺水。而建候中有亥子兩水也。否於乾宮居第三世。故三公居世。

上九宗廟為應。君子以俟時。小人為災。乙卯。泰來。

爻按上爻位當宗廟。與世木三公皆失正。乙卯木應壬戌土。雖云相剋。而卯與戌合。木土與飛伏木土同行。注文乙卯指否卦第三爻。否反至三成泰。乙卯變為甲辰。轉入坤宮第三世。則君子得時而小人退矣。

建壬申至丁丑。陰氣浸長。七月立秋至十二月大寒

昂按否卦下乾爲土。上乾爲金。申金應乾。丑土應坤。否值七月申位爲辟卦。陰氣浸長。指七月壬申至十月乙亥而言。十一月丙子。復陽來初。十二月丁丑。復陽至二成臨。陽氣又浸長矣。建始壬申。與九五爻干支相同。值七月節立秋。丁丑值十二月中大寒。由壬申歷癸酉甲戌乙亥丙子迄丁丑六辰。

積算起丁丑至丙子。周而復始。金土同宮。吉凶見矣。

昂按注文金字上常有申字。遞二世積算自丙子起。否三世積算即迴至丙子。丙丁皆火。丁丑至丙子。小寒迄冬至。即由臨而至復。循環相終始。

五星從位起歲星。木星入卦用事。柳宿從位降乙卯。乙卯臨三公。

昂按否爲七月申金之卦。第三爻世位則值乙卯木。歲星東方木象入金宮用事。與世爻卯木相比。柳宿度數起西南未方。當否卦初爻未位。止正南午方。當否卦第四爻午位。降世位乙卯。入東方震木之位。柳主草木。見史記天官書。初六茅茹。九五苞桑。皆取柳宿之象。柳又主天廚。六二包承。亦取柳象。鄭氏爻辰補否卦六二引荊州星占柳爲天廚。

氣分氣候三十六。六六三十六。積算吉凶。陰陽升降。陽道消鑠。陰氣凝結。君臣父子各不迫及。陰陽來道行矣。易云。其亡其亡。繫於苞桑。苞桑則天地清濁。陰薄陽消。天地盈虛。與時消息。危難之世。勢不可久。五位既分。四時行矣。君子當危難世。獨志難不可久。立特處不改其操。將及泰來。上九云。否極則傾。何可長也。否極則泰來。陰長降入於觀。九四被陰。過入觀卦。

昂按第一氣字衍文。否本陰虛之卦。而建壬申干支陽剛。六辰歷十二節。故卦候三十有六。積算丁丑入六三爻世位乙卯。乙木生丁火。卯木剋丑土也。乾爲君爲父。坤爲臣爲子。上下不交。故君臣父子各不相逮。否陰消陽。至四成四世觀卦。由觀終於剝而入坤。一陽來復。至二成臨。至三成泰。否泰相循。五行四時消息盈虛。何可久也。注中字句錯置。宜云。君子當危難世。獨立特處。不改其操。志難不可久。將及泰來。

三三坤下巽上。觀內象陰道已成。威權在臣。雖大觀在上。而陰道浸長。與巽爲飛伏。諸侯臨世。辛未土。壬午火。

昂按觀卦土木互象。木雖剋土。而陰實盪陽。九五未消成剋。至尊之位未移。而六四諸侯逼薄尊位。威權有在臣之勢。巽陰在外卦第四爻。由姤卦初爻巽陰上消。故與巽爲飛伏。天干乙辛配二象。內卦納乙。外卦納辛。地支內外卦皆配未己卯。初爻乙未四爻辛未皆父母。次爻乙巳五爻辛巳皆官鬼。三爻乙卯上爻辛卯皆財祿。初四兩爻未土與內卦坤土合。三上兩爻卯木與外卦巽木合。此卦以五上兩爻爲卦主。巽卦第五爻子孫上爻兄弟。實潛藏於觀卦五上兩爻之中。巽觀兩卦第五爻同值辛巳上爻同值辛卯而巽宮本卦以木配五行觀卦屬乾宮以金配五行故親屬之象不同以乾宮推其所缺。初爻甲子福德。伏觀卦初爻父母中。五爻壬申兄弟。伏觀卦五爻官鬼中。注文辛未土。指觀卦六四爻。壬午火。指乾卦九四爻。午火生未土。當世位也。六爻中五行缺水與金。而本宮有乾金。建候所歷六辰有酉金與亥子水也。九四諸侯臨世爻之位。觀屬乾宮四世卦也。

反應元士而奉九五。君位也。易云觀國之光。利用賓於王。臣道出於六四爻也。

昂按元士當應爻之位。外應內爲反應。六四辛未與初六乙未兩土雖相比。而初爻失正。未得位也。六四陰雖逼陽。而以卑承尊。有奉九五之象。此就觀五未消時取象。

建癸酉至戊申。陰陽交伏。秋分至立春。

昂按觀辟卦值八月酉。故建癸酉。由癸酉而甲戌乙亥丙子丁丑以迄正月戊寅。卽由觀循環至泰。癸酉值八月中秋分。戊寅值正月節立春。秋分陰伏陽立。春陽伏陰。

積算起戊寅至丁丑。周而復始。用金爲首。

昂按否三世積算自丁丑起。觀四世卽迴至丁丑。積算起立春寅木至大寒丑土。與卦體坤土巽木相合。寅當泰卦。丑當臨卦。起寅至丑。則觀反成臨。臨陽長至三成乾爲泰。則次爻納寅。觀由姤消。姤初爻納丑。注文言用金爲首者。觀以乾金爲宮。又建首酉金也。

金土火互爲體。五星從位起熒惑。火星入卦。用事吉凶。星宿從位降辛未。星宿入諸侯宮。木星同位。

昂按觀卦下坤爲土。上巽爲木。土木互體。京氏謂金土火互爲體者。金指乾宮。觀卦四爻辛未土伏乾宮四爻壬午火。且初四兩

爻皆納未土。二五兩爻皆納已火也。南方癸惑火星入金宮。星宿列南方午火之中樞。降入第四爻諸侯之世位。第四爻當巽木而配未土。木生火。火生土也。

土木分氣二十八。積算分配六位。吉凶爻定數。陰陽升降。定吉凶成敗。取六四至於九五。成卦之終也。易云。觀我生。我生即道也。又云。風行地上。君子之德風。小人之德草也。列象分爻。以定陰陽進退之道。吉凶見矣。地上見巽。積陰凝盛。降入於剝。九五退陰入剝卦。

昂按觀列陽盈消息之中。而卦象陰虛。六辰中經十節。建癸酉為陰柔干支。其數虛。卦象坤土巽木。積算寅木丑土。分氣二十有八。積算戊寅入六四世位辛壬。戊土生辛金。寅木剝未土也。消陽至四而薄於五。陰再長即成五世剝卦。六四至九五為成卦之終。九五變為六五。剝艮在上。艮者萬物之所成終也。

三三三坤下剝。柔長剛減。天地盈虛。建戌至建亥。體象金為本。隨時運變。水土用事。成剝之義。出於上九。易云。碩果不食。君子得輿。小人剝廬。君子全得剝道安其位。小人終不可安也。與艮為飛伏。丙子水。壬申金。

昂按天地盈虛。該剝夫旁通而言。剝建始甲戌。夫建始己亥。剝建甲至己。夫建己至甲。故注文建戌至建亥。謂剝循環而成夫也。剝屬乾宮。故體象金為本。內外卦坤艮皆土。京氏言水土用事者。土旺四季。水與土同位。剝世爻在六五。值丙子水也。乾陽窮於上九。極則來復。艮在外卦。與艮為飛伏。內坤位西南。外艮位東北。陰陽對衝。乙丙配內外二象。初爻乙未。四爻丙戌。皆父母。次爻乙巳。官鬼。三爻乙卯。上爻丙寅。皆財祿。五爻丙子。福德子孫。初四兩爻重土。與卦體坤艮土象相合。艮卦六四丙戌兄弟。伏外艮第四爻之中。以乾宮論。第五爻壬申兄弟。伏外艮六五之中。注文丙子水。即指剝卦六五爻。壬申金。即指乾卦九五爻。剝五即艮五。五行雖缺金。而本宮有乾金。世位又伏申金也。

天子治世。反應大夫。

昂按剝屬乾宮五世卦。六五失正。而當天子之世位。例與次爻大夫相應。六五丙子與六二乙巳。水火相息。

建甲戌至己卯。陰陽定候。春分。

昂按剝辟卦當九月值戌。故建首甲戌土。後四世觀卦癸酉一辰。由是而乙亥丙子丁丑戊寅以迄己卯六辰。循環至大壯卦丙

子與六五千支相同。戌當九月節寒露。卯當二月中春分。由陰候而定陽候。

積算起己卯木。至戊寅木。周而復始。吉凶之兆見于有象

昂按觀四世積算起於戌寅。剝五世即迴至戊寅。從己卯起。值二月節驚蟄。戊寅值正月雨水。建始戊土。積算戊己土。皆與內外坤艮同行。寅卯皆木。木剝制土。故有消象。

純土配金用事。五星從位起鎮星。土星入卦。張宿從位降丙子。張宿入天子宮。

昂按乾宮金象。剝內外卦皆土。象世位伏金。故云純土配金用事。鎮星為土星。與坤艮純土同象。土星入金宮。土用金而從火生。張宿為離火七宿之一。度數起於南方午位。止於東南方巳位。降入第五爻天子爻子之位。子值北方。午火胎於子水。鄭氏爻辰補明夷初九三日不食。注莊存與云。「張為噤中虛」。噤虛有不食之象。剝上九乾陽為六五陰柔所逼。有碩果不食之象。即以張宿噤虛之故。

金土分氣三十六。積算六位起吉凶。天地盈虛氣候。易象云。山附於地。剝。君子侯時。不可苟變。存身避害。與時消息。春夏始生。天氣盛大。秋冬嚴殺。天氣消滅。故當剝道已成。陰盛不可逆。陽息陰專。升降六爻。反為游魂。盪入晉。積陰反入晉卦。

昂按乾金坤艮土。故金土分氣。六辰歷十二節。建甲戌干支陽剛。故氣候三十有六。積算己卯入六五世位丙子。丙火生己土。子水生卯木也。剝交九月季秋。嚴冬浸至。京氏謂秋冬嚴殺。天氣消滅。坤陰之長。盡於亥月至十一月冬至節。陽來成復。天氣固未嘗消滅也。乾窮生復。坤窮生姤。君子與時消息。道在是矣。剝窮於上。陽息陰專。專者必敗。故復陽消陰。乾陽雖反於初爻。而游魂在四。游魂之始。入豫卦九四震陽。豫卦在震宮。上爻宗廟陽爻不變。故入晉卦。

三三坤下離上。晉。陰陽返復。進退不居。精粹氣純。是為游魂。為陰極剝盡陽道不可盡滅故返。陽道不復本位為歸魂例八卦。

昂按注文道字誤。復歸魂之歸當作游。乾宮之魂。游歸在離。晉卦游魂。離在外卦。歸魂大有亦然。剝消盡後成為純坤。乾陽復在四。四當外卦。魂游於外。而未歸乾三本位。上爻宗廟亦返故居。精粹氣純。指九四乾陽。乾純粹精也。

金方以火土運用事。與艮為飛伏。己酉金丙戌土。

昂按注文丙戌之戌當作戊。乾金象。晉卦內坤爲土。外離爲火。土火相生。六爻中有重土重火。世位屬金。是亦金方運用火土也。卦由五世剝卦魂游於九四。二三四爻互艮。世爻位當艮陽。故飛伏在艮。與剝卦同。注文己酉金。指晉卦九四爻。丙戌土。指艮卦六四爻。世位金中伏土。與艮宮四世聯卦同例。乙巳配內外二象。初爻乙未五爻己未皆父母。次爻乙巳上爻己巳皆官鬼。三爻乙卯財祿。四爻己酉兄弟。初五兩爻未土與內卦坤土合。二上兩爻巳火與外卦離火合。就乾宮推之。乾卦初爻甲子福德。伏晉卦初爻乙未父母之中。五行缺水。建候亦然。諸候居世。反應元土。

昂按游魂卦世居第四爻。以魂在四也。與初爻相應。丑土雖生酉金。而諸候元土皆不得正。土金與飛伏金土同行。建己卯至甲申。陰陽繼候。春分立秋

昂按五世剝卦建候。迄於己卯。晉卦由剝四變爲游魂。建候九四。始自己卯後剝卦五辰。天干己土與世位九四納己相符。地支卯木與六三卯木相協。由己卯而庚辰辛巳壬午癸未至於甲申。己卯當二月中春分。甲申當七月節立秋。立秋時方伯離卦九四當之。晉離在春陽秋陰氣候迭運。

積算起甲申金。至癸未土。周而復始。游魂取象配於正位吉凶同矣

昂按積算從建月終結之干支計起。自甲申立秋至癸未大暑。終始循環。晉本宮乾金與內卦坤土相生。申金未土亦相生也。申金至未土。與飛伏世應金土皆同行。

五星從位起太白。卦配金星入用翼宿從位降己酉金。翼宿北方入晉卦行事

昂按注文北方之北字當作南。晉卦得乾宮之金。九四世爻配酉金。建月積算值申金。五星中西方太白入金宮。亦屬金星。翼宿列東南方已位。與晉卦次上兩爻已位相合。翼爲南方火宿之一。外離正當其位。從位降第四爻己酉。仍居金位。翼宿二十二星象羽翮形。故錢氏有翼爲羽翮之說。鄭氏爻辰補解卦上六引錢大昕云翼爲羽翮世在第四爻。九四斷鼠。虞翻作碩鼠。以小過飛鳥當之。蓋卽翼宿之象。二象分候二十八。運配金土。積算氣候無差於晷刻。吉凶列陳。象在其中矣。天地運轉。氣在其中矣。乾道變化。萬物通矣。乾分八卦至大有復卦

六爻交通至於六卦陰陽相資相返相剋相生至游魂復歸本位爲大有故曰火在天上大有爲歸魂卦定吉凶配人事五行象乾爲指歸地凡八卦分爲八宮每宮八卦八六十四卦定吉凶配人事天地山澤草木日月昆蟲包含氣候足矣

昂按原文末一地字當作也游魂在四爲陰位建己卯陰柔經六辰十節故土火二象分候二十有八積算甲申入第四爻己酉木雖剋土而甲與乙合申酉皆金合本宮乾金也金土自甲申立秋循環至癸未大暑天地運轉而氣著吉凶陳列而象著萬物化成而形著六卦從乾入姤迄剋陰陽生剋而至游魂爲晉乾陽復三即爲歸魂大有自姤至大有皆以乾宮爲指歸

乾下

三三離上大有卦復本宮曰大有內象見乾是本位

八卦本從乾宮起至大有爲歸魂

純金用事與坤爲飛伏甲辰土乙卯木

昂按大有卦乾魂來歸在三謙爲歸魂之始兌宮三歸而內卦乾復成爲大有故承乾宮以純金用事專指內卦以全體言之內乾外離金火分宮六爻中西金已火尤相協也甲己配內外二象初爻甲子福德次爻甲寅財祿三爻甲辰五爻己未皆父母四爻己酉兄弟上爻己巳官鬼內卦返乾由游魂晉卦下坤變入故與坤爲飛伏同於本宮乾卦注文甲辰土指大有九三爻乙卯木指坤卦六三爻世位辰土雖受剋制於其所伏之卯木而上爻己火能生之此與坤宮三世泰卦同例三公臨世應上九爲宗廟

昂按歸魂當三公世位即在第三爻世爻辰土與宗廟爻己火相應火能生土惟上爻宜變之正耳建戊寅至癸未立春正月至大暑時也

昂按游魂晉卦建始己卯大有歸魂先一辰建候九三始自戊寅受氣值正月節立春歷己卯庚辰辛巳壬午至於癸未成體值六月中大暑大有內乾外離六辰中經歷之辛巳四月中小滿即辟卦乾主之癸未大暑所當之方伯卦即離九三也寅木未土與飛伏土木同行

積算起癸未土至壬午火周而復始吉凶與乾卦同用

昂按游魂晉卦積算至癸未止歸魂大有積算自癸未起自癸未六月節小暑大暑前一節至壬午夏至一周終始不息壬癸皆水大有積算午火生未土乾卦積算已火生辰土故注文謂吉凶與乾卦同土火與世應辰土已火同行

五星從位起太陰。太陰水星入卦用事軫宿從位降甲辰。二十八宿分軫星入大有卦用事行度吉內可見

昂按太陰北方冰星入金宮。與初爻子水積算癸水相比。軫宿位於東南方。降入第三爻甲辰。軫宿度數起已而迄辰。與三爻納辰上爻納已五行方位相應。軫宿為南方離火七宿之終。鄭氏又辰補巽兩卦皆引莊存與云軫終也大有為乾宮之終。離居外爻。故軫宿降焉。軫為天車。開元占經大有九二大車。即軫宿車駕之象。

金土分象三十六候。配陰陽升降。六位相盪。返復其道。復歸本位也

昂按卦本金火分象。京氏言金土者。本宮乾金。歸魂世位辰土也。大有以一陰為卦主。而陰虛通於陽盈。建始戊寅陽剛。六辰經十二節。故卦候三十有六。積算癸未入第三爻甲辰。癸水生甲木。辰未皆土也。

吉凶度數與乾卦同。分六五陰柔為日。照於四方。象天行健。六龍少者為多之所宗。六五為尊也。柔處尊位以柔履剛以陰處陽能柔順於物萬物歸附故曰照于四方易曰。火在天上。大有。離為火為日陰陽交錯。萬物通焉。陰返陽伏。返本也。乾象分盪八卦入大有終也。乾生三男。次入震宮八卦。乾生三男坤生三女陽以陽陰以陰求奇耦定數于象也

昂按內卦五行子水寅木辰土皆與乾宮同。外卦午火申金戌土變為酉金未土已火。干支與五行方位皆不同。而所屬之五行未之或異。故吉凶度數同於乾也。乾之尊在九五。大有之貴在六五。六五陰柔居陽剛之位。雖不得正。而卦主在五得中。以陰通陽。陽亢乾上。則姤陰生於初。魂歸乾三。則離陰麗於五。亢不可久。歸則終焉。終而復始。乾陽出坤初為震。就乾宮歸魂大有入震卦推之。則二三上陽變為陰。即入震卦。凡歸魂卦後接一宮首卦。爻之變化。陰陽兩宮皆成對象。卦宮歸魂比卦入巽卦。二三上陰變為陽。餘可類推。

三三震下震分陰陽交互用事。屬於木德。取象為雷。出自東方。震有聲。故曰雷。雷能警於萬物。為發生之始。故取東也。為動之主。為生之本。易繫云。帝出乎震。安不動主靜為躁有與巽為飛伏庚戌土辛卯木

昂按乾魂歸於三。而卦從下生。乾陽出初則成震。故為動之主。生之本也。內外二象天干皆納庚金。地支六辰納子寅辰午申戌。與乾卦同。震為長子。故同於乾父。初爻庚子父母。次爻庚寅兄弟。三爻庚辰上爻庚戌皆財祿。四爻庚午子孫。五爻庚申官鬼。地



支同乾。而親屬位置各殊。以乾宮象金。震宮象木。故配合異也。次爻寅木。與卦體震木合。乾出坤初爲震。坤入乾初爲巽。子女皆居長。故互爲飛伏。震巽皆木也。注文庚戌土。指震卦上六爻。辛卯木。指巽卦上九爻。震卦世爻在上六。伏巽卦上九世爻。宗廟處上六。陰陽交五震動也。陰陽交五震動也。

昂按注文動字。復震居本宮。世當上爻宗廟之位。應六三爻。而三公失正。上六戌土。應六三辰土。土雖相比。而戌與辰相衝動也。運數入丙子至辛巳。大雪至。小滿。

昂按運數建始丙子。後乾卦十二辰。受氣當十一月。注文大雪指十一月節。辛巳值四月中。小滿。震陽來復之始。實當十一月中。冬至。由丙子歷丁丑戊寅己卯庚辰。前迄辛巳成體。水火相終始也。九四建庚震。與六三所納干支相同。建首丙子。時值冬令。而震爲方伯卦。掌管節氣。本當春令。初九春分。時值己卯。六二清明。六三穀雨。時值庚辰。九四立夏。六五小滿。時值辛巳。上六芒種。時值壬午。依京氏所列。每爻配一辰。則六三當己卯。九四當庚辰。六五止於辛巳也。

積算起辛巳至庚辰。土宮配吉凶。周而復始。吉凶配木宮。以土用事。

昂按積算從建月終結之辛巳計起。亦後乾卦十二辰。迴至庚辰。與第三爻干支相同。由辛巳小滿迴環至立夏一周。震天干納庚。庚辛皆金。已火生辰土。土又生金也。震爲木。世位當戌土。積算至辰土。故木宮以土用事。木剋制土也。

五星從位起歲星。水星入卦用事。角宿從位降庚戌土。庚戌入震用事。臨上六。庚戌土位爲元首。

昂按注文水星當作木星。東方歲星以木象入木宮。角宿列東南方辰位。而冠東方震木蒼龍七宿之首。震卦冠本宮之始。故值角宿。降入上六庚戌土。此亦木宮以宿用事之徵。星宿皆土象。與卦體震木同行。角春秋爲木。開元占經。引石氏說。又爲龍角。開元占經。引鄭康成說。震爲木爲龍。位東方卯木。臨青龍。木與龍皆角宿之象。

內外木上二象俱震。易曰。震驚百里。又云。畏鄰戒也。震爲雷。驚于百里。春發秋收。順天行也。取象定吉凶。取象爲陽。配爻屬陰。故曰陰陽交錯而爲震。氣候分數三十六。定吉凶於頃刻毫釐之末。無不通也。無不備也。定陰陽數考人之休咎。起于積算終于六位也。陰陽交互。陽爲陰。陰爲陽。陰陽二氣盪而爲象。故初九三陰爲豫卦。入豫。

昂按震為陽卦。大傳云。陽卦多陰。故配爻屬陰。建丙子干支陽剛。六辰中歷十二節。故氣候三十有六。積算辛巳入上爻庚戌。以定吉凶。庚辛皆金。巳火生戌土。土能生金也。乾陽入坤陰先成震。乾二三四上變入坤。坤初四變入乾。皆成為震。故陽為陰。陰為陽。二氣相摩盪也。初九變動。內卦成三陰。為一世豫卦。

三三坤下震上。豫卦配火水木以為陽用事。易云。利建侯行師。又云。天地以順動。故日月不過。四時不忒。坤順聖人以順動。則刑罰清而民服。與坤為飛伏。乙未土庚子水

昂按以字下為字衍文。豫卦下坤土。上震木。京氏謂配火水木以陽用事。於震木而外。取積算巳午兩火與卦中所互坎水也。豫為乾卦游魂之始。乾陽入坤。坤陰在下有順象。故與坤為飛伏。乙庚配內外二象。初爻乙未。上爻庚戌。皆財祿。次爻乙巳。四爻庚午。皆福德。三爻乙卯。兄弟。五爻庚申。官鬼。初上兩爻重土與內卦坤土合。三爻卯木與外卦震木合。本宮震卦初爻庚子。父母。適伏豫卦初爻世位乙未之中。此土飛而水伏也。注文乙未土。指豫卦初六爻。庚子水。指震卦初九爻。豫初即坤初。五行缺水。建候亦然。幸有伏水也。

世立元土為地易。奉九四為正。

昂按豫為震宮一世卦。世當初爻元土而不得位。九四以陽位陰。雖亦不得正。而一陽為卦主。故奉之為正。初六乙未。應九四庚午。土火相生。未與午合。八宮一世二世皆為地易。京氏於豫卦元土言地易。特發其凡耳。

正建丁丑至壬午。大寒芒種

昂按建字上正字襲前文誤衍。建候初六。始自丁丑。後本宮震卦丙子一辰。當十二月中大寒。至壬午。當五月節芒種。歷丁丑戊寅。己卯庚辰。辛巳。至於壬午。六辰中所歷己卯二月中春分。至壬午五月節芒種。分値方伯震卦六爻。豫卦上震丑土午火。與世應未土午火同行。

積算起壬午至辛巳。以六爻定吉凶。周而覆始。火土算休咎

昂按本宮震卦積算自辛巳起。豫卦一世即迴至辛巳積算。壬午至辛巳一周相循。巳午皆火。建月則丑土生午火。故火土算休

客。

京氏易傳箋

一八

五星從位起熒惑。

熒惑火星入卦用事

亢宿從位降乙未土。亢宿配乙未土

昂按豫卦配火爲用。二四兩爻及積算皆已午重火。熒惑南方火星入木宮。與之相比。亢宿列東南方辰位。爲卯木震宮青龍所

統轄。降入乙未世爻。以木配土也。開元占經海中占曰。亢星齊明。宗廟有敬。豫卦大象傳殷薦之上帝。以配祖考。蓋與亢宿宗廟

之象相合。亢又主疾。見史記天官書六五貞疾。亦取亢象。

上木下見土。內順外動。故爲悅豫。時有屯夷。事非一揆。爻象適時。有凶有吉。人之生世。亦復如斯。或逢治世。或逢亂時。出處存亡。其

道皆系易云。大矣哉。陰陽升降。分數二十八。極大小之數。以定吉凶之道。積算壬午入乙未排吉凶

昂按豫震在外卦。屯震在內卦。豫坤在內卦。明夷坤在外卦。震時與坤時或在內。或在外。故時有屯夷也。屯夷與豫悅對象。夷不

作險夷之夷。解。豫卦之主雖在九四陽爻。而消息在陰虛。六辰中經十節。建始丁丑干支陰柔。故分數二十有八。積算壬午入初

爻乙未。壬水生乙木。午火生未土也。陽大陰小。定吉凶之道。卽在陰陽變化。

豫以陽適陰爲內順。成卦之義在於九四一爻。以陽盪陰。君子之道。變之於解。豫卦以陰入陽成九四之德。入解卦陽入陰成解之德。

昂按注文之入二字當作變之。以陽入陰句脫以字。卦主在九四。乾陽入坤四成豫。再入內卦坤二。卽成二世解卦。

三三坎下震上。解。陰陽積氣聚散以時。內險外動。必散。易云。解者散也。解也。品彙甲拆。雷雨交作。震雷坎雨積氣運動。天地剖判。成卦之義在

於九二。與坎爲飛伏。戊辰土庚寅木

昂按解爲震宮二世卦。震初之二成解。故成卦在九二。二當坎。故與坎爲飛伏。坎水震木相生。戊庚納內外象。初爻戊寅兄弟

次爻戊辰上爻庚戌皆財祿。三爻戊午四爻庚午皆福德。五爻庚申官鬼。初爻寅木與外卦震木合。本宮震卦初爻庚子父母。伏

解卦初爻戊寅之中。惟不當世爻耳。注文戊辰土。指解卦九二爻。庚寅木。指震卦六二爻。世位土中伏木。解二卽坎二。五行缺水

建候亦然。幸卦體有坎水也。

立大夫於世爲人。而六五降應。委權命於庶品。

昂按九二當大夫世爻之位。辰土雖生六五申金。而二五陰陽皆失正。謂之應者。亦例如是耳。一世二世為地易。三世四世為人易。此就重卦六爻分釋。以單卦三爻而言。則初爻為地。次爻為人。故京氏謂立大夫於世為人。也。

建戌寅至癸未。立春大暑

昂按建始九二。起自戊寅立春。後一世豫卦丁丑一辰。至癸未大暑。建候與乾宮大有同。解卦下坎上震。戊寅正月節立春。歷己卯二月節驚蟄。皆方伯坎卦王之。己卯二月中春分。至壬午五月節芒種。分值方伯震卦六爻。戊寅建首。與初爻干支相同。天干建戌與世位九二納戌相符。寅木未土。與飛伏土木同行。

推吉凶於陰陽。定運數於歲時。積算起癸未至壬午。周而復始。土火入數起宮

昂按積算一世豫卦起自壬午。解二世即週至壬午。癸未至壬午一周。亦同於大有。六爻中五行缺水。積算天干壬癸皆水。與內昂坎水相協。綜建候與積算計之。寅木生午火。午火生未土。與六爻中戊寅木戊辰庚戌兩土戊午庚午兩火相應。

五星從位起鎮星。鎮星土位。氏宿從位降戊辰。氏宿入戊辰

昂按鎮星土位入木宮。與世爻辰土及建月積算未土相比。氏宿為東方卯木七宿之一。度數起於東南方辰土巽位。止於東方卯木震位。與外卦震象相合。降入第二爻。仍在辰位。土星木宿。與飛伏建候土木皆同行。鄭氏爻辰補說卦傳震為蒼筤竹。為萑葦。為蕃鮮。引爾雅天根氏也。就卯宮所值氏宿取根柢之象。解卦列震宮。品彙甲坼。即屬氏象。

木下見水。動而險。陰陽會散。萬物通焉。升降屬陽盪陰。以陽為尊。尊者高而卑者低。變六三為九三恆卦。分氣候定數。極位於三十。金水入數合卦。成數定日月時。變坎入巽居內象。為雷風運動。鼓吹萬物。謂之恆。卦入恆。

昂按解成卦在九二世爻。故以陽為尊。解為陽盈之卦。六辰歷十二節。建首戊寅陽剛。故氣候定數三十有六。內外水木分象。積算癸未入九二世位戊辰。辰未皆土。注文言金水入數者。以世爻坎水一陽由乾金入坤也。六三坎動成巽。為三世恆卦。

三三巽下震上。恆久於其道。立於天地。雷與風行。陰陽相得。尊卑定矣。號令發而萬物生焉。萬物得其道也。生者道一作進也。雷風行而四方齊也。齊者整肅也。與巽為飛伏。辛酉金庚辰土

昂按恆在震宮。卦則由泰轉否。天地變成風雷。巽爲號令。故號令發而雷風行。震巽皆木。內外配辛庚金象。初爻辛丑上爻庚戌。皆財祿。次爻辛亥父母。三爻辛酉五爻庚申皆官鬼。四爻庚午子孫。五行缺木。而內巽外震皆木象。且建始卯木。房宿亦屬木象。本宮震卦次爻庚寅兄弟。伏恆卦內巽次爻辛亥之中。不僅世爻相伏也。注文辛酉金。指恆卦九三爻庚辰土。指震卦六三爻巽。在內卦。金中伏土。恆三即巽三。飛伏在內巽。內卦干支五行親屬與巽卦內象同。巽象屬木。恆卦所列之震宮亦爲木象。故干支五行所配之親屬相同。

三公治世。應於上六宗廟。宗廟爻。

昂按恆卦世數列震宮第三。世位當九三爻三公之位。與上六宗廟爻相應。九三辛酉應上六庚戌。陰陽得正。金土相生。與飛伏金土同行。

建己卯至甲申。春分立秋。

昂按建候九三。始自己卯。後二世解卦戊寅一辰。當二月中春分。方伯震卦初九當之。恆卦上震。至甲申。當七月節立秋。與乾宮晉卦同。

金木起度數。積算起甲申至癸未。周而復始。金木入宮。

昂按建月卯木申金起度數。積算二世解卦起自癸未。恆卦三世迴環至癸未。甲申迄癸未一周。亦同於晉卦申金未土。與飛伏世應金土皆同行。吾女景輝爲錄原稿至此止。

五星從位起太白。太白金星。入卦用事。房宿從位降辛酉。房宿入卦立秋用。

昂按注文立秋用下脫事字。建月迄申金。積算起申金。與九三世位酉金六五申金相比。太白西方金星入木宮。金亦相比。恆卦節候值七月立秋。正金星用事也。恆列三世介五世之中央。房宿列正東震方卯木之中樞。降入第三爻辛酉金。卯木酉金互相胚胎。金星木宿。與建候卯木申金同行。房爲天馬。主車駕。開元占經石氏說。九四田獵之象。蓋取房宿云。上下二象見木分陰陽於內外。內巽陰外震陽。氣候分數三十八。金木入卦分節候。

昂按內巽外震皆木象。節候則由卯木申金入卦。原文氣候分數三十八。當作二十八。其數陰虛。以己卯建始陰柔。六辰歷十節也。積算甲申九三世位辛酉。申酉皆金。

九三至於陽屯之位。不順所履。無定其位。恆者常也。而九三以陽居位。立於陰陽交互之上。是知不久為所然。易云。不恆其德。或承之羞。陰陽升降反於陰。君道漸進。臣下爭權。連及於升。次降入升卦。

昂按九三乾陽得正。而二四兩爻重剛。乾陽陷於上下坤陰之中。有屯坎之象。以剛履柔。宜守常而不變。易正道。第四爻動成坤。陰為四世升卦。恆在震宮。乾陽出震為復。息兌成臨。升由臨初之三。陽進於上。陰長於下。

三三巽下坤上。升陽升陰。而陰道凝滯。未可便進。漸之曰升。升者進也。卦雖陰而取象於陽。故曰以陽用事。內巽陰木陽也。與坤為飛伏。癸丑土庚午火。

昂按升陽以退為進。漸巽在上。升巽在下。巽有順象。故漸之曰升。巽木位東南方。與本宮震木東方相鄰。故以陽用事。天干辛癸納內外二象。地支內外卦皆配丑亥酉。初爻辛丑。四爻癸丑。皆財祿。次爻辛亥。五爻癸亥。皆父母。三爻辛酉。上爻癸酉。皆官鬼。初四兩爻丑土與外卦坤土合。六爻雖缺火與木。而本宮震卦內象巽卦與入卦之心宿皆屬木象。世位伏午火。建候有己午兩火。坤在外卦。與為飛伏。坤卦六四癸丑兄弟。伏升卦六四癸丑財祿之中。上六癸酉子孫。伏升卦上六癸酉官鬼之中。注文癸丑土。指升卦六四爻。庚午火。指本宮震卦九四爻。震四庚午子孫。伏升四癸丑中。適補其缺。飛伏不僅在世位。震卦次爻庚寅兄弟。亦伏升卦內巽次爻辛亥之中。卦中三四五互震也。

諸侯在世。元士為應。

昂按升卦居震宮第四世。世位當六四。得正。應在初爻。以丑土應丑土。而元士失正。

候建庚辰至乙酉。清明秋分。

昂按建時六四爻。始自庚辰。後三世恆卦一辰。值三月節清明。至乙酉。值八月中秋分。辰土生酉金。由庚辰歷辛巳壬午癸未甲申。以迄乙酉。

積算起乙酉至甲申。周而復始。金水合木宮。見象定吉凶。

昂按積算三世恆卦自甲申起。升四世即迴至甲申。乙酉至甲申一周。甲乙皆木。與內卦巽木本宮震木相協。申酉皆金。與三上兩爻酉金相協。

五星從位起太陰。太陰水星入卦取象。心宿入位降癸丑。心宿入卦配土位。

昂按太陰北方水星入木宮。與二五兩爻亥水相比。心宿列正東震方卯木之位。震為長子。升卦第四爻伏有震宮子孫。心宿有子屬之象。開元占經石氏於心宿取子屬之象。升象辭勿恤。象傳初六合志。九二有喜。九三无所疑。六五得志。皆心宿人心之象。鄭氏及辰補長旅漢三卦值心宿皆取人心之象。

第五爻變之正。外卦成坎。亦為心也。心宿降入第四爻癸丑。以木降土。與卦體木巽配坤土相合。

土下見木。內外俱順。動陰陽而長。歲時人事配吉凶。發乎動。占歲時人事吉凶之兆見乎動。易繫云。吉凶悔吝生乎動。氣候配象數位三十六。分陰爻數。

昂按內巽木。外坤土。巽由坤陰入初。故巽之順法乎坤也。升由臨初升至三。諸卦從乾坤變化。陽動而上者。不止一卦。升卦定名。

取升進之義。故京氏特舉動象。以發其例。升以陽用事。為陽盈之卦。建始庚辰陽剛。配數三十有六。六辰中歷十二節。積算乙酉。

入六四世位癸丑。丑土生酉金。其數陽盈。

自下升高。以至於極。至極而反。以修善道而成其體。合抱之木始於毫末。陰道革入陽為坎。水與風見井。入井卦。

昂按臨初陽升至三。三居內卦之極。至極而反。仍為臨卦。臨卦在坤宮。京氏言修善道。申大象君子順德之義。陸注合抱之木二語。取。

老子之說。以申大象積小高大之義。六五坤陰變坎陽。成五世井卦。升卦二三四爻互兌。變成井後。三四五爻互離。革卦下離上兌。故曰陰道革入陽也。

兌故曰陰道革入陽也。

三三巽上井。陰陽通變。不可革者井也。井道以澄清不竭之象。而成於井之德也。易云。井者德之基。又云。往來井井。見功也。改邑不。

改井。德不可渝也。井道以澄清見用為功也。井象德不可渝變也。與坎為飛伏。庚申金。

昂按井卦世在第五爻。五由泰初而來。九五坎陽既正位。不能渝變。初爻為井之基。失正宜修耳。巽木坎水相生。辛戊納內外二。

象。初爻辛丑。五爻戊戌。皆財祿。次爻辛亥。上爻戊子。皆父母。三亥辛酉。四爻戊申。皆官鬼。二上亥子。重水。與外卦坎體合。六爻所。

配五行。缺火與木。而三四五互離火。建始已火。兼有午火。本宮震卦與內巽皆木象。星宿入卦。亦皆木象。坎在外卦。故與為飛伏。

注文戊戌土。指井卦九五爻。庚申金。指震卦六五爻。井五即坎五也。就其所缺兄弟子孫。推本宮震卦。震次爻庚寅兄弟。伏井卦內巽次爻辛亥之中。四爻庚午子孫。伏井卦外坎四爻戊申之中。與升卦所伏同例。惟第四爻干支五行有別耳。

九五處至尊。應用見本象。

昂按井卦列震宮五世。世爻當九五。至尊得位。應在次爻。大夫失正。九二亥水受剋於九五戌土。

建辛巳至丙戌。小滿寒露

昂按本宮震卦建候至辛巳止。井卦五世。建候即起自辛巳。值四月中小滿。至丙戌。值九月節寒露。由辛巳歷壬午癸未甲申乙酉以迄丙戌六辰。

積算起丙戌至乙酉。周而復始。火土入卦起算數

昂按積算四世升卦自乙酉起。井五世積算即迴至乙酉。丙戌至乙酉一周。戌土酉金。與飛伏土金同行。建月巳火生成土入卦起數。酉金從土生也。

五星從位起歲星。木星入卦東方用事。尾宿從位降戊戌。尾宿配戊戌入卦宮

昂按歲星木象入木宮。與內卦巽木相比。木星位東方。尾亦東方木宿。度數起卯宮而止寅宮。尾一名天矢。開元占經。九二射鮒射義由矢象引申。尾宿九星爲天之九子。石氏說。井在震宮。震爲長子。第四爻子孫伏井卦第四爻。此有關於尾宿子象。尾宿降入第五爻戊戌土。與建月戊土相符。

坎下見風險於前。內外相資益於君。井以德立君正民信德以其道也。賢人有位。君子不孤。傳曰德不孤。必有鄰。六爻各處其務反覆陰陽變化各得其道也。氣候所象。定數於二十八。爻配陰陽分人事吉凶具見矣

昂按井五世爻中正得位。初二再相變。易前六爻皆得其道矣。井由泰反否。陽盈通於陰虛。建始辛巳陰柔。六辰中歷十節。故定數二十有八。積算丙戌入第五爻戊戌。同戌土也。

天地之數。分於人事。近取諸身遠取諸物。吉凶之兆。定於陰陽。陰生陽消。陽生陰滅。二氣交互。萬物生焉。震至於井。陰陽代位。至極則反。與巽



爲終。退復於本。故曰游魂爲大過。降入大過卦

昂按井由泰反否。否泰循環。陰陽消長。震宮變至第五爻成井。上交宗廟不變。故變至五而已。極陽復於四。成游魂大過。

三三兌上大過。陰陽代謝。至於游魂。繫云。精氣爲物。游魂爲變。是故知鬼神之情狀。互體象乾。以金土定吉凶。去本末。取二五爲過。

之功。大者與坎爲飛伏。丁亥水

昂按震宮之魂游歸在兌。大過游魂。兌在外卦。歸魂隨卦亦然。大過二三四五互重乾。初上巽兌。以坤陰爲終始。乾神精粹。坤鬼變化。乾金坤土。以定吉凶。去本末。取二五。崇乾陽爲大也。辛丁納内外象。初爻辛丑上交丁未皆妻財。次爻辛亥四爻丁亥皆父母。三爻辛酉五爻丁酉皆官鬼。三五兩爻酉金。與外卦兌金合。五行缺木與火。而內卦有巽木。建候有寅卯兩木。入卦有火星木宿。京氏言與坎爲飛伏。大過由井卦魂游於四。故飛伏在坎。與井卦同。四陽陷二陰中。爲坎陽兼畫之象。注文丁亥水。指大過九四爻戊申金。指坎卦六四爻。世位水中伏金。與坎宮四世革卦同例。本宮震次爻庚寅兄弟。伏大過次爻辛亥之中。四爻庚午子孫。伏大過四爻丁亥之中。此就本卦所缺火木推之震宮者也。

降諸侯。立元首。元士居應上。

昂按游魂世在第四爻諸侯之位。世位卽元首。與初爻元士相應。陰陽皆失正。九四亥水應初六丑土相剋。

建丙戌至辛卯。起元氣從丙戌至辛卯爲卦建建者則所生之位今立建起至辛卯取陰陽至極處也寒露至秋分

昂按注文元氣之氣字當作首。秋分當作春分。五世井卦建候迄於丙戌。大過游魂從井四變入。建候九四。卽從丙戌起。後井卦五辰。丙戌值九月節寒露。方伯兌卦九二當之。大過辛卯值二月中春分。由丙戌經丁亥戊子己丑庚寅迄辛卯。第二辰丁亥與九四千支相同。

積算起辛卯至庚寅。周而復始。土木入卦用事

昂按積算從建月至極之辛卯計起。庚辛皆金。寅土皆木。注文土木入卦用事。就建月戌土卯木而言。

五星從位起癸惑。癸惑火星入卦箕宿從位降丁亥。箕宿配丁亥水合卦宮也

昂按癸惑南方火星入木宮。南方離火生於東方震木。箕宿列東北方寅位。為東方震木青龍之尾。降第四爻丁亥。從艮方寅木入乾方亥水。

陰陽相盪。至極則反。反本及末於游魂。分氣候三十六。六爻極陰陽之數三十六。五行分配定吉凶於積算。陽入陰。陰陽交互。反歸於本曰歸魂。降隨卦。入澤雷。

昂按大過在陰虛消息中。建丙戌陽剛。六辰中歷十二節。氣候三十六。為陽實之數。積算丙戌入第四爻丙亥。戌土剋亥水。建月戌土為卯木所剋。陰陽輾轉相制而復相資也。大過內卦反震。成歸魂隨卦。

三三震下隨。震象復本曰隨。內見震曰本。從震起至隨為歸魂。純木用事。與巽為飛伏。庚辰土辛酉金。

昂按震宮變至隨卦。內象由第三爻魂歸成震。純木為基。庚丁納內外象。初爻庚子四爻丁亥皆父母。次爻庚寅兄弟。三爻庚辰上爻丁未皆財祿。五爻丁酉官鬼。次爻寅木與內卦震木合。五爻酉金與外卦兌金合。五行缺火。建候亦然。內卦返震。由游魂大過下巽變入。隨三四五爻互巽。故與巽為飛伏。同於本宮震卦。注文庚辰土。指隨卦六三爻。辛酉金。指巽卦九三爻。世位土中伏金。與巽宮三世益卦同例。就本宮震卦推其所闕。四爻庚午子孫。伏隨卦四爻丁亥之中。

世立三公。應宗廟。

昂按歸魂世在第三爻。與上爻宗廟相應。而三公失正。以辰應未。皆土象。

建乙酉至庚寅。秋分立春。

昂按游魂大過建始丙戌。隨歸魂先一辰。建候始自六三爻。起乙酉受氣。值八月中秋分。庚寅與次爻干支相符。值正月節立春。由乙酉經丙戌丁亥戊子己丑迄庚寅成體。丁亥與九四千支相同。六辰中經歷乙酉八月中秋分。至戊子十一月節大雪。分值方伯兌卦六爻。隨卦上兌。始酉金。終寅木。與卦體震木兌金相合。

積算起庚寅至己丑。土木入卦氣算。吉凶定於算數為準。周為復始。

昂按積算游魂大過轉至庚寅。隨歸魂即自庚寅起。庚寅至己丑一周。寅木丑土入卦用事。

五星從位起鎮星。鎮星土入卦用事。計都從位降庚辰。計都配庚辰土入卦分吉凶。

昂按鎮星土象入木宮。與世爻辰土相比。下震純木。木雖剋土。土實輔木用事。計宿列東北方艮土之位。而為北方水宿之一。降入第三爻庚辰。辰亦土也。

氣候分數二十八。定數於六位。雖殊。吉凶象震。進退隨時。各處其位。無差晷刻。內外二象悅而動。隨附於物。係失在於六爻。  
易云係失。又云係小子。失丈夫此之謂也。吉凶定於起算之端。進退見乎隨時之義。金木交刑。水火相敵。休廢於時。吉凶生焉。

昂按隨卦消息。陽實通於陰。虛建乙酉干支陰柔。六辰中歷十節。積算庚寅入第三爻庚辰。候數二十八。為陰虛之數。隨由否上之初。否時漸變為泰時。有隨時之象。內外二象震木兌金。次爻寅木。五爻酉金。建月酉金寅木。皆交相刑剋。震宮第四爻午火。潛藏於隨卦四爻亥水。即水火相敵也。

震以一君二民。動得其宜。震一陽二陰。陽君陰民得其正也。本於乾而生乎震。故曰長男。陰陽升降為八卦。至隨為定體。資於始而成乎終。坎降中男而曰坎。互陽爻居中為坎卦。

昂按坎降之坎字當作次。震宮終於隨。而乾資始在震。成終在艮。介乎中者為坎卦。震宮降成坎卦。陽則上升矣。就隨卦降入坎卦推之初二男位。九四陽變為陰。則入坎卦。

坎下三三坎上。坎積陰以陽處中。柔順不能履重剛之險。故以剋。克柔而履險而曰陽。是以坎為屬中男分。北方之卦也。與離為飛伏。戊子水已火。

昂按坎宮由乾宮二五入坤。即由震宮初四升至二五。以剛制柔。而積陰為險。方位在北。陽生子水。內外二象天干皆納戊土。初爻寅木子孫。次爻辰土五爻戌土皆官鬼。三爻午火財祿。四爻申金父母。上爻子水兄弟。子水與卦體坎水合。坎離相出入。故互為飛伏。注文戊子水。指坎卦上六爻。己巳火。指離卦上九爻。

世立宗廟。居於陰位。比近九五。至於坎道。遠於禍害。三公居應。亦為陰暗。成坎之德。在於九五九二也。  
內外居坎陽處中而為坎主純陰得一作臣而顯其道也。

昂按世文當六上宗廟之位。比近九五至尊。第三爻三公陰居陽位。不能得正。午火受剋於上爻子水。子午相衝。子水午火與水

火飛伏同行。二五兩爻陽居陰中。有履險之象。而冬至陽生。節氣在坎。

建起戊寅至癸未。大暑大雪

昂按注文大暑大雪當作立春大暑。建候上六爻。起戊寅受氣。後震卦二辰。與初爻干支相同。天干戊與原爻納戊相符。時值正月節立春癸未。成體值六月中大暑。與乾宮大有卦震宮解卦同。坎為方伯卦。初六冬至。時值丙子。九二小寒。六三大寒。時值丁丑。六四立春。九五雨水。時值戊寅。上六驚蟄。時值己卯。依京氏所列。每爻配一辰。則上六建始戊寅。初六值己卯也。

積算起癸未至壬午。周而復始。金水入宿本同宮氣候起算時日歲月吉凶

昂按積算起六月癸未。亦後震卦二辰。迴環至壬午一周。亦同於大有解兩卦。午火生未土。二五乾陽金象。入坎為水。太白金星。牛水宿。故金水入卦。

五星從位起太白。太白金星入水宮。牛宿從位降戊子。二十八宿從位八卦周而復始

昂按太白西方金星入水宮。與六四申金相合。牛宿列東北方丑位。而為北方坎水七宿之一。入上六爻戊子。以水降水。牛宿上

二星主道路。開元占經。坎象地險。即牛宿之象。

歲數運數三十六。配六位分陰陽三百五十六餘日四分。分之一分五行配運氣吉凶見矣。內外俱坎。是重剛之位。易曰坎陷也。坎水能深陷于物處坎之險不可不習故曰習坎便習坎之道也。震以陽居初。能震動於物。能為動主。乾生震一陽居於初震為長男。坎以陽居中。為重剛之主。故以坎為險。陽變陰成於險道。今以陰變陽。止於為節。次入于節卦

昂按坎以二五陽爻為卦主。建始戊寅陽剛。六辰中歷十二節。積算癸未入上爻戊子。氣候三十有六。歲數三百五十六餘日四分之三。舉成數為三百六十日。十分之一即三十六。二五以剛處柔。內外險象。乾陽剛健而能不陷。以成坎之德。承震之長男而為中男。冬至出震。而坎初節氣當之。震坎同以乾陽為卦主也。初爻陰變陽。成一世節卦。

三三坎上。節水居澤上。澤能積水。陽止於陰。故為節。節者止也。邊陽而積實居中。悅內而險於前。陰陽進退。金水交運。與兌為飛伏。兌下

昂按節由泰卦乾三之坤五。以陽過陰。陽進尊位。陰退下卦。三四五互艮。故有止象。兌金生坎水。交運用事。內外配丁戊二象。初爻丁巳財祿。次爻丁卯子孫。三爻丁丑五爻戊戌皆官鬼。四爻戊申父母。上爻戊子兄子。兌在內卦。與之爲飛伏。注文丁巳火。指節卦內兌初九爻。戊寅木。指本宮坎卦初六爻。世位火中伏木。元士立元首。見應諸侯。金火受其氣納到內

昂按注文內字下脫卦字。內卦兌金。初爻世位納巳火。故金火受氣也。節爲坎宮一世卦。世位卽元首。例並見大過卦當初九元士。與第四爻諸侯相應。初陽四陰皆得正。巳火應申金。雖相剋制。而已與申合。

建起甲申至己丑。爲本身節氣。立秋大寒。

昂按建侯初九爻。始自甲申。後本宮坎卦戊寅六辰。值七月節立秋。己丑值十二月中大寒。大寒當方伯坎卦六三爻。節卦上坎卦由甲申歷乙酉丙戌丁亥戊子迄己丑。六辰中經歷乙酉八月中秋分。至戊子十一月大雪。分値方伯兌卦六爻。節卦下兌卦積算起己丑至戊子。周而復始。金水坎火運入卦雜定吉凶

昂按積算起己丑。亦後本宮坎卦癸未六辰。迴環至戊子一周。戊己皆土。終始相循。戊子與上六爻干支相符。兌金坎水。世爻當巳火。故注文以火與金水並言。建始值立秋。方伯離卦九四當之。坎宮通於離火也。

五星從位起太陰。太陰屬水。入卦用事。女宿從位降丁巳。配象入積算。

昂按太陰北方水星入水宮。女宿度數由丑宮止於子宮。正當坎宮方位。星宿皆水。與外卦坎水及上爻子水相比。女宿主嫁娶。開元占經聖洽符曰須女者主嫁娶也。甘氏曰將有嫁娶占於須女。節卦在泰否變化中。次於歸妹之後。其消息固相通也。女宿降初九世爻丁巳。水星入巳火。水火相胎。

金上見水。本位相資。二氣交爭。失節則嗟。易云。不節若。則嗟若。分氣候二十八。積算起數二十八中男入兌少女分。盪入陰中。位見陽升降。見長男。次入水雷屯。是則節檢入陽過九二爻。體歸於陽之入屯卦。

昂按兌金坎水相生。而泰卦乾三之坤五。中正得位。坤五之乾三則失位。故失節則嗟。象在六三。二三易位則濟矣。分氣候二十

八二十八當作三十六。建始甲申陽剛。六辰中歷十二節。積算己丑入初爻丁巳。巳火丑土相生。其數陽盈九二陽動入陰。兌變成震。爲二世屯卦。

三三坎上。屯內外剛長。陰陽升降。動而險。凡爲物之始。皆出先難後易。今屯則陰陽交爭。天地始分。萬物萌兆。在於動難。故曰屯。在

雷上如雲雷交作天地草昧繇綸之始無出於此也。故易曰。屯如遭如。乘馬班如。泣血漣如。桓不進之貌。難定乃通。易云。女子貞不字。十年乃字。字愛也。時通則

象兄吉凶。與震爲飛伏。庚寅木。戊辰土。

昂按爲物之爲字當作萬。出字當作由。屯列坎宮。由坎二之初。陰升陽降。震動於險難之際。三變則濟。震木坎水相生。二三四互

坤。三四五互艮。坤艮皆土。震二寅木。坎二辰土。六二世位飛木伏土。世應兩爻亦以木應土。故土木應象也。內外配庚戌。初爻庚

子上爻戊子皆兄弟。次爻庚寅子孫。三爻庚辰五爻戊戌皆官鬼。四爻庚申父母。初上兩爻子水。與外卦坎水合。次爻寅木與內

卦震木合。五行缺火。建候亦然。本宮坎卦第三爻戊午財祿。伏屯卦內震第三爻庚辰之中。注文庚寅木。指屯卦六二爻戊辰土。

指坎卦九二爻世位木中伏土。以內卦震宮推之。第三爻庚辰財祿。伏屯卦第三爻庚辰官鬼之中。

世上見大夫。應至尊。陰陽得位。君臣相應。可以定難於草昧之世。

昂按屯卦列坎宮二世。世爻在六二大夫之位。與九五至尊相應。寅木應戌土。與飛伏木土同行。五行雖相剋。而二五陰陽皆中

正得位。

建乙酉至庚寅。秋分立作。

昂按建候六二爻。始自乙酉。後一世節卦甲申一辰。當八月中秋分。庚寅當正月節立春。與震宮隨卦同。建候所經歷之戊子。與

上六爻干支相同。庚寅與次爻干支相同。六辰中經歷戊子十一月中冬至。迄庚寅立春。分值方伯坎卦六爻。屯卦上坎。

積算起庚寅至己丑。周而復始。土水配本宮起積算。

昂按積算一世節卦從己丑起。屯二世即迴至己丑。庚寅至己丑一周。亦同於隨卦。寅木丑土。與飛伏世應木土皆同行。

五星從位起歲星。木星入卦。虛宿從位降庚寅。虛宿入六二庚寅位。

昂按歲星木象入水宮。與世爻寅木相比。虛宿列北方坎宮。子水之中樞。與初上兩爻子水相合。降入六二世爻庚寅。子水生寅木也。木星水宿入卦。與卦體震木坎水相合。虛宿主哭泣。開元占經北宮。上六泣血漣如。即虛宿之象。鄭氏及虞翻屯卦。上六引北宮候說。分氣候三十六。定凶吉。之數。陽適陰入中女。子午相敵。見吉凶。動入離象。見既濟。

昂按三十六當作二十八。建始乙酉陰柔。六辰中歷十節。積算庚寅入次爻庚寅。其數陰虛。第三爻陰動入陽。震變成離。爲三世既濟卦。

三三離下坎上。既濟。二氣無衝。陰陽敵體。世應分君臣。剛柔得位曰既濟。離坎分子午水上火下性相。交敵不間隔是曰既濟也。與離爲飛伏。戊午火。

昂按既濟六爻剛柔相資。坎陽疑五。離陰麗二。尊卑定位。不特三上世應得正也。內外配己戊土象。初爻己卯福德。次爻己丑五爻戊戌皆官鬼。三爻己亥上爻戊子皆兄弟。四爻戊申父母。三上兩爻重水。與外卦坎水合。五行缺火。建候亦然。而內卦有離火。世位有伏火。入卦有火星。離在內卦。與爲飛伏。既濟三即離三。注文己亥水。指既濟九三爻。戊午火。指本宮坎卦六三爻。世位水中伏火。與卦體離火坎水相合。坎三戊午財祿。適伏既濟九三己亥之中。當其闕也。

世上見三公。應上見宗廟。內外陰陽相應。坎離相納。上下交。坎水潤下離火炎上。二氣相交爲既濟。五行相配。吉凶麗乎爻象。見乎爻象。

昂按既濟在坎宮第三世。世爻當第三爻三公。與上爻宗廟相應。亥水應子水。離正位南方。下濟而炎上。坎正位北方。上行而潤下。卦中二三四爻兼互坎。三四五爻兼互離。水火交而成既濟。猶之天地交而成泰。泰二五易位。即成既濟也。

建丙戌至辛卯。寒露。春分。卦氣分節氣。始丙戌受氣。至辛卯成正象。考六位。分剛柔。定吉凶。

昂按建候九三爻。始自丙戌。後二世屯卦乙酉一辰。當九月節寒露。迄於辛卯。當二月中春分。與震宮大過同。建候所經歷之戊子己丑。方伯坎坎當之。既濟。上坎。與二上兩爻干支相同。建始受氣。迄終而正象成體。京氏特明其例以發凡也。

積算起辛卯至庚寅。周而復始。土木見。運入卦。

昂按積算二世屯卦自庚寅起。既濟三世。積算即迴至庚寅。辛卯至庚寅一周。亦同大過卦。寅卯皆木。坎水生木。離火又由木生也。卦成水火。運交土木。建時戌。土卯木。

五星從位起熒惑。熒惑火。星入卦。危宿從位降己亥。危宿入己亥。

昂按熒惑火星從南方入水宮。正當內卦離火之位。危宿度數起於北方。正當外卦坎水之位。降入第三爻世位己亥。仍屬水象。水火相胎也。火星水宿。與內卦離火外卦坎水相合。

分氣候二十八。定六爻之類。考吉凶之兆。坎入兌為積陰。二象分俱陰。上下反覆。卦變革。坎入革六四變之。入陽變體為陰也。

昂按二十八當作三十六。建始內戌陽剛。六辰中歷十二節。積算辛卯入九三世位己亥。木水相生。數本陽盈。第四爻陰動入陽。坎陽變成兌陰。為四世革卦。

三三離下兌上。革。二陰雖交。志不相合。體積陰柔。爻象剛健。可以革變。兌上離下。虛中務上下積陰。變改之兆。成物之體。故曰革。易云。君子豹變。小人革面。與兌為飛伏。丁亥水。戊申金。

昂按卦象上兌誤畫作震。今正革卦下離上兌。皆陰柔之體。陽為君子。陰為小人。第四爻失位。革變為宜。己丁納內外象。初爻己卯子孫。次爻己丑上爻丁未皆官鬼。三爻己亥四爻丁亥皆兄弟。五爻丁酉父母。酉金與外卦兌金合。五行缺火。建候亦然。而內卦有離火。兌在上卦。與為飛伏。注文丁亥水。指革卦九四爻。戊申金。指本宮坎卦六四爻。世位水中伏金。革四即兌四也。本宮坎卦三爻戊午財祿。伏革卦三爻己亥之中。

諸侯當世。見元士。九五六二為履正位。天地革。變。人事隨而更也。更者變也。

昂按見字下脫應字。革為坎宮第四世卦。世當第四爻諸侯之位。不能得正。而以亥水應初爻元士之卯木。能相生也。坎宮九五未變。二五陰陽皆中正得位。

始建丁亥至壬辰。小雪。清明。水土配位。入卦。

昂按建始九四爻。起自丁亥。與第四爻干支相付。後三世既濟丙戌一辰。值十月中小雪。方伯兌卦九五當之。本卦所建丁亥。在外兌九四爻也。壬辰值三月節清明。由丁亥經戊子己丑庚寅辛卯迄壬辰。己丑與六二爻干支相同。建月亥水辰土配位。土剋制水。革變之象。



積算起壬辰至辛卯。周而復始。

昂按積算三世既濟。自辛卯起。革五世即週至辛卯。壬辰至辛卯一周。木復剋土。革變相循也。

五星從位起鎮星。土星入卦。室宿從位降丁亥。二十八宿室宿入卦。丁亥土。

昂按注文革卦二字誤倒。丁亥土。土當作水。鎮星土象入水宮。內卦離火生土。外卦兌金從土生出。建月積算之辰土。與六爻中丑未兩土相比。室宿列西北方亥水之位。與三四兩爻亥水及本宮坎水相合。土星水宿與建候亥水辰土同行。湯武革命而征誅興。即營室軍戎之象。開元占經黃帝占曰營室三軍所立外有羽林以衛帝。

分氣候三十六。其數起元首。分陰陽之象。數吉凶生矣。上金下火。金積水而為器。器能盛火變生而為熟。生熟稟氣於陰陽。革之於物。物亦化焉。五行五色。五色類萬物。稟和氣。氣節順剛即逆。逆即反。反即敗。易云。己日乃孚。孚。信也。陰陽更始。動以見士凶。震主動也。動以柔當位。剛會之光。大革變於豐。外卦兌入震為豐卦。

昂按三十六當作二十八。建始丁亥陰柔。六辰中歷十節。積算壬辰入九四丁亥世位為元首。數本陽盈。離火兌金會於坎宮之水。陰陽相資。離卦天干納己。故己日乃孚。說詳拙著周易虞氏學。第五爻陽動入陰。變兌成震。是為五世豐卦。

三三。庚下離上。豐。雷火交動。剛柔散。氣積則暗。動乃明。易云。豐其屋。蔀其家。闐其戶。闐其無人。三歲不覿。乃凶。上六穆暗而動。凶之兆。於上反下見陰之兆。火木分象。配於積陰。與震為飛伏。震申金戊戌土。

昂按豐卦五上積陰。五與四易位。則三四五爻亦互離。震木生離火。己庚納內外象。初爻己卯福德。次爻己丑上爻庚戌皆官鬼。三爻己亥兄弟。四爻庚午財祿。五爻庚申父母。初爻卯木與外卦震木合。四爻午火與內卦離火合。震在外卦。與之為飛伏。注文庚申金。指豐卦六五爻。豐五即震五。戊戌土。指本宮坎卦九五爻。坎五戊戌屬官鬼。與震五同。震五庚申本官鬼。陰處至尊為世。大夫見應。君臣相暗。世則可知。臣強君弱。為亂世之始。

昂按豐為坎宮五世卦。世爻當六五尊位。以陰居陽。位不得正。申金應六二丑土。與金土飛伏同行。二五皆陰。陰積則暗。豐由泰二之四。有反否消息。亂世之機已兆矣。

建生戊子至癸巳。大雪小滿。

昂按建候六五世位。始自戊子。後四世革卦丁亥一辰。值十一月節大雪。迄於癸巳。值四月中小滿。方伯震卦六五當之。上震卦本卦所歷癸巳。在外震九四也。由戊子經己丑庚寅辛卯壬辰迄癸巳。己丑與六二爻所納干支相同。

雷與火震動曰豐。宜日中。夏至積陰生。豐當正應。吉凶見矣。日中積算起癸巳至壬辰。周而復始。火土起算。

昂按建月迄四月癸巳。易緯稽覽圖與虞氏消息卦氣皆當六月乙未。而介於四六兩月之間者。即五月甲午夏至一陰生。交離卦初九也。得正則吉。失位則凶。四五相易互離。宜日中。豐當正應。積算四世革卦自壬辰起。豐五世。積算即迴至壬辰。癸巳至壬辰一周。已火生辰土以起算也。

五星從位起太白。太白金壁宿從位降庚申。壁宿入坎至豐庚申入土。

昂按太白西方金星入水宮。與世爻申金相比。壁宿列西北方亥水之位。與九三亥水相合。金星生水宿也。壁為北方坎宮七宿玄龜之尾。坎宮世數變至豐五而極。故壁降豐五庚申入金。積算至壬辰入土。注謂壁宿入坎。至豐庚申入土。是也。

分氣候二十八。積算定六位上木下火。氣稟純陽。陰生於內。陽氣雜。正性潰。亂極乃反。為游魂。入積陰。震入陰陽升降。反歸於本。變體

於有無。吉凶之兆。或見於有。或見於無。陰陽之體。不可執一為定象。於八卦陽盪陰。陰盪陽。二氣相感而成體。或隱或顯。故係云一

陰一陽之謂道。一者道也外卦震降陰入明夷。次入明之於明夷卦。

昂按二十八當作三十六。建始戊子陽剛。六辰中歷十二節。積算癸巳入六五世位庚申。氣候分數本陽盈也。外象震木。乾陽盪

陰。內象離火。坤陰盪陽。卦宮變至第五爻而極。坎五陽動。正性潰。亂極則反。魂游於四。積陰成坤。陰陽摩盪。飛顯伏隱。象消則

無。體長則有。有消為無。無息為有。反復於有無之際。吉凶在升降之間。此不僅坎宮變易至極而已也。注文次入明之於入明夷

卦。誤衍「明之」入「三」字。當作次入於明夷卦。

三三難下坤上明夷。積陰盪陽。六位相傷。外順而隔於明。處暗不分明。一作傷於正道曰明夷。夷者五行升降。八卦相盪。變陽入純陰。春夏之秋

也。陰道危。陽道安。故與震為飛伏。癸丑土傷於明而動乃見志也。震動

昂按坎宮之魂游歸在坤。明夷游魂。坤在外卦。歸魂師卦亦然。明夷由臨二之三。臨陽盪陰。而積陰猶盛。二之三則三之二。陰復

盪陽積暗傷明。氣候變陽入陰。小滿至寒 露詳後

陰極則陽生。故與離為飛伏。三四五互離。由豐卦魂游於四。飛伏同在離也。卦體離火

坤土相生。注文癸丑土。指明夷六四爻。庚午火。指離卦九四爻。土中伏火。與震宮四世升卦同例。火土與卦體離火坤土相合。已

癸納內外象。初爻已卯子孫。次爻已丑四爻癸丑皆官鬼。三爻已亥五爻癸亥皆兄弟。上爻癸酉父母。初四兩爻丑土。與外卦坤

土合。五行缺火。而內卦有離火。世位有伏火。建候有已午兩火。以本宮坎卦推之。三爻戊午財祿。潛藏於明夷三爻已亥之中。此

又一飛伏也。

退位入六四。諸候在世。元士為應。君暗臣明。不可止。箕子與紂也

昂按游魂在位在第四爻。元士應諸候在初爻。陰陽皆得位。惟丑土應卯木相剋。六五君暗。六二臣明。坤五本離爻。而謂之暗者。

處積陰之中。不凝乾陽故耳。

建起六四癸巳至戊戌。游魂及六四爻數 起小滿至寒露

昂按五世豐卦建候至癸巳已止。明夷由豐四變成游魂。建候起六四。後豐卦五辰。即始自癸巳。天干癸與原爻納癸相符。值四月

中小滿。戊戌值九月節寒露。由癸巳經甲午乙未丙申丁酉迄戊戌。離在內卦。甲午五月中夏至至丁酉八月節白露。即方伯離

卦當之。已火戌土。與內卦離火外卦坤土及飛土火皆相合。京氏於他卦建始。但言干支。不舉爻位。此言建起六四癸巳至戊戌。

特詳世位之爻。以發其凡例耳。

積算起戊戌至丁酉。周而復始。土星入卦 起算數

昂按積算起戊戌至丁酉一周。戊土生酉金。起數也。

五星從位起太陰。太陰水 星入卦 奎宿從位降癸丑 奎宿入明夷配 六四癸丑土上

昂按太陰北方水星入水宮。與本宮坎水及三五兩爻亥水相合。奎宿度數起於西北方亥水之位。而為西方七宿之冠。受轄於

兌金。金有兵象。奎主庫兵。開元占經 石氏譜 九三南狩。即奎宿之象。降第四爻癸丑土。土生金也。

分氣候三十六。三十六數入卦 起算推凶吉 地有火。明於內。暗於外。當世出處。為衆所疑之所及傷於明。易曰。三日不食。主人有言。陰陽進退。金水

見火氣不相合。六位相盪。四時運動。靜乃復本。故曰游魂。本以宮八卦相盪。六位推遷也。次降歸魂入師卦。

昂按之字衍。注文以字常在本字上。建始癸巳陰柔。六辰中歷十節。積算戊戌入第四爻癸丑。丑戌皆土。分候三十六。三十六當作二十八。其數陰虛。坎宮水。積算至乙酉金。六爻五行缺火。而與離火相遇。火剋金。水又剋火。不能相合。外坤為衆。二三四爻在坎為疑。故為衆所疑。第四爻由震動變為坤靜。歸魂成師卦。

三三坎下坤上。師變離入陰陽於正道。復本歸坎。陽在其中矣。內坎卦為本宮。處下卦之中。為陰之主。利於行師。易云。師者衆也。衆陰而宗於一。

一陽得其貞正也。與離為飛伏。離入坎也。陰陽相薄。剛柔遷位。戊午火已亥水。

昂按師卦三復魂歸。世位在三。而卦主在二。貞於一陽也。內卦返坎。由游魂明夷內離變入。陽薄陰。剛遷柔。故與離為飛伏。同於本宮坎卦。注文戊午火。指師卦六三爻。已亥水。指離卦九三爻。世位火中伏水。與宮卦三世未濟卦同例。內爻二象配戊癸。初爻戊寅子孫。次爻戊辰四爻癸丑皆官鬼。三爻戊午財祿。五爻癸亥兄弟。上爻癸酉父母。二四兩爻重土。與外卦坤土合。五爻亥水與內卦坎水合。

世主三公。應為宗廟。

昂按歸魂世在第三爻。師三失正。午火應上爻宗廟。酉金受剋。建始壬辰至丁酉。清明秋分。

昂按游魂明夷建始癸巳。師歸魂先一辰。建候六三。始自壬辰。當三月節清明。丁酉當八月中秋分。辰土生酉金。由壬辰受氣。經癸巳甲午乙未丙申迄丁酉成體。

積算起丁酉至丙申。周而復始。金火入卦起算。

昂按游魂明夷積算迴轉至丁酉。師卦積算即自丁酉計起。至丙申一周。丁丙皆火。酉申皆金。故金火入卦起算。內卦離火雖變成坎水。而世爻仍常午火之位。

五星從位起歲星。歲星木入卦。婁宿從位降戊午。婁宿入坎卦。歸魂六三爻。

昂按歲星東方木象入水宮。與初爻寅木相比。婁宿列西北方戌位。為西方白虎金宿之一。降第三爻戊午。由陰而入陽。婁有衆象。謂元占經鄭萌曰有聚衆之事則占於婁師者衆也。即婁宿之象。婁又主苑牧犧牲。見文獻通考六五田有禽。亦婁象也。

分氣候二十八。起算入卦吉凶地下有水。復本位。六五居陰處陽位。九二貞正。能為衆之主。不潰於衆。易云。師貞丈人言。入卦始於坎。陰陽相盪。反至於極。則歸本坎中男。陽居九二升降得失。吉凶悔吝。策於六爻。六爻之設出於著。著之得象而卦生。積算起於五行。五行正則吉。極則凶。吉凶之象。顯於天地人事日月歲時。坎之變於艮。艮為少男。少男處卦之末為極七。震一陽居初爻坎二陽處中艮三陽處卦之末故曰陽極為少男又云止也

次入艮卦。

昂按分氣候二十八。二十八當作三十六。建始壬辰陽剛。六長中歷十二節。積算丁酉入歸魂三爻戊午。其數陽盈卦以坎陽為主。而九二陽居陰位。六五陰居陽位。皆不得正。貞丈人吉。失正者為變動為貞。二五易位。則坎在上卦。變成坤宮歸魂比卦矣。師次師後立夏師次候比未候師屬坎宮。建始三月壬辰。震木主事。坎水生震木。歸魂午火。木能生之。積算酉申皆金。火能制之。凶吉之象。蘊於五行。而著於著策。可推而知也。中男坎陽二之三。五之上。成少男艮卦。就師卦降入艮卦推之。二三易位。上六陰變為陽。則入艮卦。三三艮上艮。乾分三陽為長中少。至艮為少男。本體屬陽。陽極則止。反生陰象。易云。艮止也。於人為手。為背。取象為山。為石。為門。為狗。上艮下艮二象。土木分氣候。與分為飛伏。丙寅木丁未為少男取少女相配

昂按注文丁未下脫土字。陰積陽下。土象與坤同。乾陽終止於艮。陽雖老而分則幼。故為少男。與兌少女對象。互為飛伏。土木分氣候。建寅木至未土。艮卦上爻丙寅木。兌卦上爻丁未土。陽極則變。艮中伏兌。即木中伏土。內外象天干皆配丙火。初爻丙辰四爻丙戌皆兄弟。次爻丙午父母。三爻丙申子孫。五爻丙子財祿。上爻丙寅官鬼。初四兩爻重土。與卦體艮土合。

世上見宗廟。三公為應。陰陽遷次。長幼分形。乾三生男將至艮極少長分形長中分之謂建也

昂按世在上爻。與第三爻三三公為應。惟宗廟不得正。寅木受剋於九三申金。寅申相衝。

庚寅至乙未。立春大暑陰長陽極。升降六位。進退順時。消息盈虛。

昂按庚寅至乙未。句首有建字。誤入上文注中。建候上九。後坎卦十二辰。始自庚寅。與原爻所納寅木相同。時當正月節立春。乙

未當六月中大暑。由庚寅受氣。經辛卯壬辰癸巳甲午迄乙未成體。建候寅木未土。與飛伏木土同行。積算起庚寅至巳丑。周而復始。木土入卦

昂按積算起庚寅至巳丑。當云積算起乙未至甲午。注文上字當作土。積算起乙未。亦後坎卦十二辰。至甲午一周。甲乙皆木。五星從位起熒惑。熒惑火星入卦胃縮從位降丙寅。胃宿入卦分位

昂按熒惑南方火星入土宮。火生土也。胃宿度數起戌位而止於酉位。為西方酉金七宿之一。降上爻丙寅。金入木也。分數位三十六。配位六卦分吉內金木相敵。升降以時。艮止於物。背於物。易云。時止則止。時行則行。剛極陽反。陰長積氣。止於九三。初六變陽。取其虛中。文明在內。成於賁。次降入賁卦。

昂按艮為陽卦。建始庚寅陽剛。六辰中曆十二節。積算乙未入上爻丙寅。分數三十六。其數盈也。世爻寅木與兌金飛伏。故金木相敵。九三與四五互震。止為艮象。行為震象。陰陽遞次。長幼分形。故時止則止。時行則行也。初爻陰動入陽。艮變成離。為一世賁卦。

三三離下艮上。賁。泰取象。上六柔來反剛。九二剛上文柔。成賁之體。止於文明。賁者飾也。五色不成謂之賁。文彩雜也。山下有火。取象文明。火土分象。與離為飛伏。已卯木丙辰土

昂按反字當作文。賁由泰上之二。剛柔糅雜而成文。離火艮土分象。故與離為飛伏。內外納己丙二象。初爻己卯上爻丙寅皆官鬼。次爻己丑四爻丙戌皆兄弟。三爻己亥五爻丙子皆財祿。二四兩爻重土。與外卦艮土合。離卦初爻父母。次爻子孫。伏賁卦內離初二兩爻之中。就本宮艮卦推之。次爻丙午父母。三爻丙申子孫。伏賁卦二三兩爻之中。不僅初伏世位相金也。注文己卯木指賁卦內離初九爻。丙辰土指艮宮初六爻。六爻五行雖缺火與金。而配卦有離火。建候有巳午兩火。入卦有金宿也。世立元土。六四諸候在應。陰柔居尊。文柔當世。素尚居高。候王無累。易云。賁于丘園。束帛戔戔。

昂按賁為艮宮一世卦。世在初爻元土。應六四諸候。剛柔皆得位。六五陰柔居尊。終為失正。與上易位。始客終吉。卯木應戌土。雖不免剋制。而卯與戌合。土木與飛伏木土同行。

建始辛卯至丙申。春分立秋

昂按建候初九。始自辛卯。與原爻所納卯木相同。後本宮艮卦庚寅一辰。時值二月中春分。丙申值七月節立秋。方伯離卦九四當之。實卦下離由辛卯受氣。經壬辰癸巳甲午乙未迄丙申。

積算起丙申至乙未。周而復始。金土入卦起算

昂按積算本宮艮卦從乙未起。貴一世即迴至乙未。丙申至乙未一周。申金與未土相生。五星從位起鎮星。鎮星入卦昂宿從位降己升。昂宿配實卦初九陽位起算

昂按注文鎮當作土。鎮星土象入土宮。與艮宮及外卦艮土相比。昂宿列西方酉金之中樞。降初爻己卯木。酉衝卯。金剋木。剛柔雖互相文飾。而賁之消息。將由泰反否。柔漸勝剛矣。土星金宿。與積算申金未土同行。分氣候二十八。起六位五行算吉凶土火木分陰陽相應為敵體。上九積陽素尙。全身遠害。貴其正道。起於潛。至於用九。假乾初上為喻也陰陽升降

通變隨時。離入乾。將之大畜。次降六二中虛為三連入太畜卦。陰消陽長

昂按太當作大。賁由泰反否。建月由陽入陰。春分至立秋肇始辛卯陰柔。六辰中歷十節。積算丙申入初爻己卯。氣候二十八。亦虛數也。艮土離火。加以世爻己卯木。故土火木分氣候。上九陽極而失位。與乾卦上爻用九同象。來五象易。方得正道。內卦第二爻變離入乾。成二世大畜卦。

三三乾下艮上。大畜。陽長陰消。積氣凝盛。外止內健。二陰猶盛。成于畜義。易云既處。畜消時行。陽未可進。取於下卦。全其健道。君子以時順其吉凶。與乾為飛伏。甲寅木丙午火

昂按大畜二陰畜臨陽。小畜一陰畜復陽。陽雖盛長。陰未可侮。易云既處。本小畜上九爻辭。取外卦巽處之象。大畜外卦消巽成艮。艮為止象。止有處義。其道可通。乾金艮土相生。內外配甲丙二象。初爻甲子五爻丙子皆財祿。次爻甲寅上爻丙寅皆官鬼。三爻甲辰四爻丙戌皆兄弟。辰戌兩土與外卦艮土合。內乾為飛伏。乾卦初爻甲子福德。三爻甲辰父母。伏大畜內乾初三兩爻之中。以本宮艮卦推之。三爻丙申子孫。亦伏在大畜三爻。不僅世位伏艮卦。次爻丙午父母也。注文甲寅木。指大畜九二爻。丙午火。

指艮卦六二爻。五行缺火與金。而內卦有乾金。世位有伏火。建候有巳午兩火與申酉兩金。足以濟之矣。  
建始壬辰至丁酉。清明秋分

昂按建候九二爻起。始自壬辰。後一世賁卦辛卯一辰。當三月節清明。丁酉當八月中秋分。與坎宮師卦同。辰土酉金。與卦體乾金艮土相合。

積算起丁酉至丙申。周而復始。金土入卦分吉凶起算

昂按積算一世賁卦從丙申起。大畜二世。即迴至丙申。丁酉至丙申一周。亦同於師卦。丙丁皆火。與外卦配內火相合。  
五星從位起太白。太白金星入卦推吉凶畢宿從位降甲寅。畢宿入大畜九二甲寅上

昂按太白西方金星入土宮。畢宿度數起於西方酉金之位。而止於西南方申金之位。皆與內卦乾金相比。畢主弋獵。見史記天官書九三良馬逐。即畢宿象。

九二大夫應世。應六五為至尊。陰陽相應。以柔居尊。為畜之主。

昂按應世之應字當作臨。大畜為艮宮二世卦。世當二爻大夫之位。應五爻至尊。四五兩陰為畜之主。而五尤貴。九二寅木應六五子水相生。惟二五未易位時皆失正耳。

分氣候二十八。極陰陽之數定吉凶之兆山下有乾。金土相資。陽進陰止。積雨潤下。畜道光也。乾象內進。君道行也。吉凶升降。陰陽得位。二氣相應。陽上薄陰。陰道凝結。上於陽長為雨。反下。九居高位。極於畜道。反陽為陰。入于兌象。六三應上九。上有陽九。反應六三。成于損道。次降損卦。乾入兌九三之變六二

昂按注文九三之變六二。當作九三變之六三。分氣候二十八。當作三十六。建始壬辰陽剛。六辰中歷十二節。積算丁酉入次爻甲寅。其數陽盈。雨本小畜上九之象。大畜二五如易位。二三四亦互坎。未變成互坎時。二三四互兌澤半坎。亦有雨象。五動而上再變之正。外卦成坎。故有積雨潤下之象。京氏所謂陰陽得位。二氣相應者。祇初九六四兩爻得正相應。足以當之耳。三居內卦之極。陽動為陰。變乾成兌。入三世損卦。六三上九。應亦失正。



三三兌下上損澤在山下。卑險於山。山高處上。損澤益山。成高之義。在於六三。在臣之道。奉君立誠。易云。損下益上。乾九三變六三陰柔與兌為飛伏。丙申金。丁丑土。益上九臣奉君之義。

昂按京氏言成高之義。在於六三。蓋以泰三之上成損也。虞氏以泰初推遷之上成損。損極下之爻以益極上之爻。義理自精。兌金艮土相生。內外配。丙火象。初爻丁巳父母。次爻丁卯上爻丙寅皆官鬼。三爻丁丑四爻丙戌皆兄弟。五爻丙子財祿。五行缺金。而內卦有兌金。世位伏艮卦申金。建候有申酉兩金。降入世位有金宿。兌在內卦。與為飛伏。注文丁丑土指損卦六三爻。損三即兌三。丙申金指艮卦九三爻。艮三丙申子孫。適伏損三丁丑而當其缺也。世位土中伏金。與卦體兌金艮土同行。三公居世。宗廟。六三上九。

昂按宗廟上脫應字。損列艮宮三世。六三當世位。三公丑土。應上爻宗廟寅木。陰陽皆失正。建始癸巳至戊戌。小滿寒露。

昂按建始六三爻起自癸巳。後二世大畜壬辰一辰。當四月中小滿。戊戌當九月節寒露。方伯兌卦九二當之。損卦下兌。建候與坎宮明夷卦同。

積算起戊戌至丁酉。周而復始。土火入官起積算。

昂按注文官當作宮。積算三世大畜自丁酉起。損三世。積算迴環至丁酉一周。亦同明夷卦。戌土酉金。與內卦兌金外卦艮土及飛伏土金皆相合。注言土火。謂建始巳火至戌土也。

五星從位起太陰。太陰水星入卦用事。太陰水星。當宿從位降丁丑。二十八宿配諸宿入損卦。六爻三起算歲月日時。

昂按注文三字當置六字下。太陰北方水星入土宮。與內卦兌澤半坎水象及六五子水相合。皆宿列西南方申金之位。入第三爻丁丑土。土生金也。

土星入卦配吉凶。陰陽相盪。位不居。土金入損卦起算陰陽相生六世變動不居也。六爻有吉凶。四時變更。不可執一以為規。六爻吉凶隨時更變或春或夏或秋或冬歲時運動分氣候二十八。二十起數算。陰陽升降。次艮入離。見睽之象。損益六爻。剛長陰。次入火澤睽卦。

昂按星常作金。位字上脫六字。剛長陰下脫消字。注文二十兩字下脫八字。八卦之八字當作入土。金入卦配吉凶。指積算起戊土至酉金也。建始由春至秋。六辰中歷十節。積算戊戌入六三世位丁丑。丑戌皆土。合土宮。氣候二十八。虛數也。第四爻陰變入陰。艮動成離。爲四世睽伏。

三三離上睽。火澤二象。氣運一作非合。陰消陽長。取象何比。惟陽是從。陰陽動靜。剛柔分焉。先睽後合。其消通也。文明上照。幽暗分

矣。兌下睽。火澤二象。氣運一作非合。陰消陽長。取象何比。惟陽是從。陰陽動靜。剛柔分焉。先睽後合。其消通也。文明上照。幽暗分

也。兌下睽。火澤二象。氣運一作非合。陰消陽長。取象何比。惟陽是從。陰陽動靜。剛柔分焉。先睽後合。其消通也。文明上照。幽暗分

昂按原文卦象下兌誤畫作震。今正其消通也。消當作道。睽卦初爻以外。陰陽皆舛。失正。失正則睽。變之正則合。丁巳納內外

象。初爻丁巳上爻己巳皆父母。次爻丁卯官鬼。三爻丁卦五爻己未皆兄弟。四爻己酉子孫。初上兩爻巳火。與外離火相合。四爻

酉金與內卦兌金合。五行缺水。而建候有亥水也。離在外卦。與爲飛伏。離卦四爻己酉財祿。伏睽卦四爻子孫之中。就本宮艮卦

推其所闕。五爻丙子財祿。伏睽卦五爻己未之中。注文己酉金。指睽卦九四爻。丙戌土。指艮宮六四爻。以九四世位酉金財祿中

伏有艮四丙戌兄弟也。

諸侯立九四爲世。初元世爲應。

昂按元世當作元士。睽爲艮宮四世卦。世位當四爻。例應初爻元士。而諸侯失正。九四酉金受剋於初爻巳火。酉金應巳火。與卦

體兌金離火相合。

建始甲午至己亥。芒種小雪

昂按建始九四爻起自甲午。後三世損卦癸巳一辰。當五月節芒種。己亥當十月中小雪。由甲午經乙未丙申丁酉戊戌迄己亥。

卦象內兌外離。甲午五月中夏至。丁酉八月節白露。皆方伯離卦當之。八月中秋分至己亥十月中小雪。皆方伯兌卦當之。

積算起己亥至戊戌。水土入卦

昂按積算三世損卦自戊戌起。睽四世。積算迴環至戊戌一周。起己亥至戊戌。卽由十月循環至九月。戊巳皆土。與外卦配己土

相合。建月亥水剋午火。積算戊土剋亥水。皆睽而未合之象。

五星從位起歲星。歲木星入卦參宿從位降己酉。二十八宿參宿入卦己酉土

昂按注文土當作上。歲星東方木象入土宮。與次爻卯木相比。參宿列西南方申位。殿金宿之末。與第四爻世位酉金相合。上九弧象即參伐之象。

分氣候三十六。地數金火二運合土宮。配吉凶於歲時。六五陰柔處文明。九二四得立權臣。陰陽相盪。六位逆遷。變離入乾。健於外象。坎入履。陰陽推遷變化爻吉凶之兆。次降入天澤履卦。

昂按坎入履。坎當作次。與下文次降入天澤履卦。語意相複。依賁損兩卦之例。當作成於履。建始甲午陽剛。六辰中歷十二節。積算己亥入九四世位己酉。金水相生。氣候三十六盈數也。內卦兌金。外卦離火。合本宮艮土。六爻配五行。除次爻卯木與木星相比外。有重火重土一金。與內外卦象及艮宮皆相比。六五陰柔居陽剛之位。中而不正。九二例當應五。九四逼近六五尊位。而皆以陽居陰位。有權臣之象。六五陰動入陽。離變成乾。為五世履卦。

三三。乾上履天下有澤曰履。履也。得位吉。失位凶。之時。素尚吉。易云。視履考祥。其旋元吉。與乾為飛伏。壬申金。六丙屬八卦。丙也。

昂按天下有澤曰履。句上脫履字一頓。履初得位。四宜變之正而後能應。三上失正。宜易位而後能應。故初爻之无咎在素。上爻之元吉在旋也。乾兌皆金。內外配丁壬二象。初爻丁巳。四爻壬午。皆父母。次爻丁卯。官鬼。三爻丁丑。上爻壬戌。皆兄弟。五爻壬申。子孫。申金與卦體乾兌金象相合。五行缺水。而世位有伏水。建候有亥子兩水。乾在外卦。與乾為飛伏。注文壬申金。指履卦九五爻。履五即乾五。丙子水指艮宮六五爻。艮於八卦中內外象天干皆納丙。艮五丙子財祿。適伏履五壬申子孫之中。以彌其缺。九五得位。為世身。九二大夫合應象。

昂按履為艮宮五世卦。九五至尊當世位。應九二大夫。而二失正。卯木不免見剋於九五申金耳。

建始乙未至庚子。大雪

昂按本宮艮卦建候至乙未止。履卦即自乙未建起。後四世聯卦甲午一辰。建始九五世位。乙未當六月中大暑。庚子當十一月節大雪。由乙未經丙申丁酉戊戌己亥迄庚子六辰。

積算起庚子至乙亥。金水入卦配六位置吉凶

昂按乙當作己。積算四世聯卦自己亥起履五世。積算即迴至己亥起庚子大雪。至己亥小雪。周而復始。子亥皆水。與卦體乾兌兩金相生。

五星從位起熒惑。熒惑火星入卦井宿從位降壬申。二十八宿入卦井宿入壬申

昂按熒惑南方火星入土宮。井宿度數起於西南方申金之位。而列南方火宿之首。與二三四互離火及初四兩爻重火相比。降第五爻世位壬申。以火入金。有相剋之象。井主水衡。為法令所取平。開元占經黃帝占云東井主水用法清平如水九二履道坦坦。即井宿平衡之象。

分氣候金火入卦。起於極數二十八。二十八數起丙辰推吉丙陽多陰少宗少為貴。得其所履則貴。失其所履則賤。易云。眇能視。跛能履。此履非其位大三也吉凶取此文為準。六位推遷。積欠起算數。休王相破。資益可定吉凶也。升降反位。歸復止於六四。入陰為游魂中孚卦。次入中孚卦

昂按注文大三之六字當作六。建始乙未陰柔。六辰中歷十節。積算庚子入九五世位壬申。為金水入卦。熒惑火星入世爻申金。為金火入卦。初四兩爻已午重火與五爻申金。亦金火入卦。極數二十八。注言起丙辰推吉凶者。從本宮艮卦初六爻丙辰土。推至六五變成履卦九五世位壬申金。以起算也。履六三雖不得位。失其所履。而以此一陰為主。卦候值夏令大暑。火土主旺。而金水休。休即不旺至冬令大雪。則水木王而火土休。六爻中五行缺水。利於建始。第四爻陽復為陰。變乾成巽。游魂為中孚。

三三兌下巽上。中孚。陰陽變動。六位周匝。反及游魂之卦。金木合土運入卦象互體見民。止於信義。中孚信也與乾為飛伏。辛未土壬午火

昂按民當作艮。艮宮之魂游歸在巽。中孚游魂。巽在外卦。歸魂漸卦亦然。中孚內卦兌金。外卦巽木。合本宮艮土。二三四互震動。三四五互艮止。信陽而義陰。丁辛配內外象。初爻丁巳五爻辛巳皆父母。次爻丁卯上爻辛卯皆官鬼。三爻丁丑四爻辛未皆兄弟。卦由五世履魂返四。故飛伏在乾。與履卦同。注文辛未土。指中孚六四爻。壬午火。指乾卦九四爻。土中伏火。此就世位而言。與乾宮四世觀卦同倒。就本宮艮卦推之。三爻丙申子孫。五爻丙子財祿。伏中孚三五兩爻之中。五行雖缺水與金。而內卦有兌金。建始有子水。

艮道革變升降。各稟正性。六四諸侯立世。應初九元士。九五履信。九二反應。氣候相合。內外相敵。陰勝陽陽勝陰剛柔相薄六爻反應柔順相合吉凶見矣

昂按游魂當第四爻。世為諸侯。與初九元土相應。陰陽皆得其正。未土應巳火相生。與飛伏土火同行。中孚冠卦氣。方伯坎卦初六當之。外卦巽象九五即坎陽上變之正。則外象成坎。陽實為孚。故云九五履信。中孚由履四之魂來復也。九二應而失正。與三易位則相合。

建始庚子至乙巳。大雪

昂按五世履卦建候至庚子止。中孚由履四變成游魂。建候始自六四。後履卦五辰為庚子。當十一月節大雪。兌在內卦。大雪節即方伯兌卦上六當之。迄於乙巳。當四月中小滿。由庚子歷辛丑壬寅癸卯甲辰迄乙巳六辰。

積算起乙巳至甲辰。周而復始。火土入卦起積算

昂按積算起乙巳。迴環至甲辰。由小滿迄立夏一周。甲乙皆木。與外卦巽木相比。巳火辰土積算。與六爻中所配兩重巳火及丑未兩土相比。且與飛伏世應土火皆同行也。

五星從位起鎮星。鎮星土星二十八宿配鬼土星鬼宿從位降辛未。二十八宿配鬼土星入卦推吉內

昂按鎮星土象入土宮。與六三丑土六四世位未土及本宮艮土相合。鬼宿列西南方未土之位。而為南方火宿之一。入六四世爻辛未土。火生土也。土星火星。與飛伏世應積算土火皆同行。六四月幾望。馬匹亡。與鬼宿之象相合。開元占經南宮侯曰與鬼天目也。又曰其物馬牛羊虎也。分氣候三十六。配卦算吉內之位風與澤二氣相合。巽而說。信及於物。物亦必順焉。易云。信及豚魚。豚魚幽微之物。信尚及之。何況於人乎。兌入艮。六三入陽。

內二陽歸陰。陰陽交互。復本曰歸魂。次降歸魂。風山漸卦。內見

昂按中孚為冬至陽生之卦。建始庚子陽剛。歷六辰十二節。積算乙巳入六四世位辛未。火土相生。氣候三十六。其數陽盈。兌說同巽順。皆本諸坤陰。信及豚魚。信本諸坎卦之乾陽。豚魚詳拙著周易虞氏學六三陽復。內卦從之。成歸魂漸卦。

三三艮上漸。陰陽升降。復本曰歸魂之象。巽下見艮。陰長陽消。柔道將進。艮變八卦終於漸。漸終降純陰入坤。分長女三陰之兆也。柔道行也。與兌為飛伏。內申金

昂按中孚內按兌變入艮宮本位而為歸魂。京氏言陰長陽消。分指內艮外巽兩象耳。至就全卦消息言之。漸由否卦坤三之乾四。否將反泰。為陽長陰消之象。內卦返艮。由游魂中孚內兌變來。故與兌為飛伏。同於本宮艮卦。內外配丙辛二象。初爻丙辰四。

爻辛未皆兄弟。次爻丙午五爻辛巳皆父母。三爻丙申子孫。上爻辛卯官鬼。初四兩爻重土。與內卦艮土合。上爻卯木與外卦巽木合。五行缺水。而建始亥水。兼有子水。注文丙申金。指漸卦九三爻。丁丑土。原注土誤作上指兌卦六三爻。世位金中伏土。與兌宮三世咸卦同例。就本宮艮卦推之。五爻丙子財祿。伏漸卦五爻辛巳之中。

九三三公居世。宗廟為應。

昂按歸魂世當三爻。九三三公得位。上九宗廟相應矣。正卯木見剋於九三申金。

建始己亥至甲辰。小曆清明

昂按游魂中孚建始庚子。漸歸魂先一辰建候始自九三。己亥當十月中小雪。至甲辰當三月節清明。由己亥受氣。歷庚子辛丑。

壬寅癸卯至甲辰成體。

積算起甲辰至癸卯。周而復始。上木見連入卦算吉凶

昂按注文上字當作土。游魂中孚積算迴轉至甲辰。漸歸魂建算即自甲辰起。至癸卯一周。由清明迴轉至春分。辰土卯木與卦。

體艮土巽木相比。

五星從位起太白。太白西方之卦定吉凶柳宿從位降丙申。二十八宿柳宿入卦定吉凶

昂按太白西方金星入土宮。與第三爻世位申金相比。柳宿度數起於西南方未土。而止於午火之位。為南方朱鳥離火七宿之一。與初四兩爻重土二五兩爻重火相比。柳宿主尙食。開元占經石氏說六二飲食衍衍。即柳宿之象。柳又主草木。史記天官書六四鴻漸於

木。或得其桶。木與桶皆柳象。柳又有禽獸之象。開元占經南宮侯曰柳其物羊豕六爻鴻象。可由柳之獸象推之也。

分氣候二十八。定數配吉凶入卦起算上木下土。風入艮象。漸退之象也。互體見位。主中文明。九五傳位得進道明也。九五處互體卦之上進文明也六二陰柔得

位。應至尊。易云鴻漸干磐。飲食衍衍。賢人進位也陰陽升降。八卦將盡。六十八爻。陰陽相雜。順道進退。次于時也。少男之位。分於八卦。終

極陽道也。陽極則陰生。柔道進也。降入坤宮八卦。陽卦三十二宮為陽乾震坎艮也

昂按干當作千。六十八當作四十八。建始己亥至甲辰。歷節氣凡十。積算甲辰入九三世位丙申。金土相生。氣候二十八。虛數也。

京氏易傳箋

四六

三四互離。卽柳宿所止之位。二三四亦互坎。六爻得位相應者。惟二五兩爻。內艮陽終則消。外巽陰長陽消。消至剝盡。則成坤宮。就漸卦降入坤卦推之。三五上陽變爲陰。卽入卦坤。

卷一終餘俟續刊